


BUFWĪKĪGWE ³

 ...-ndwe Neville. Mugonile kanunu, kalasi. Uswe twe basangalufu ukugomokela kangi ukubaponia umwe kangi mu Ngamu imfwane-mosa iya Ntwa Yeso. Tukasübila ukuti umwe mwāli nu ndungu unkulumba ugwe ndufyo ni sayo Syāke.

² Itolo ukwisa muno ulubunju ulu, une nālyāgéne nu ndumiana unnini pala kangi umwene ālimbéle une akafwani kanini aka Gwāndúmi unsikali ikukētésya pamwanya pa bāna babili abanini. Kangi une ngāmenye ukuti yula āli gwa Daulton, undumiana unnini gwa Daulton.

³ Kangi apa imilungu minandi igi gikīndīle, pamo a manandi...Kifuka imilungu mibili igi gikīndīle, ālipo u tāta, u tāta gwa Kikristi, āsūmīle kuli mwanundindwana gwāke untubwa uyu ākāli akaya tāsi Nkristi, akabalilo kosa umwene ālīmīle mu lukīndi lwa lwīpúto. Kangi Mbepo Mwikemo alinkuyoba ukukinda, “Une—Une ngukupa ugwe umwanako.” Kangi apa umwene undindwana ali apa ulubunju ulu, apokígwe nukōsigwa mu Ngamu ya Ntwa Yeso, itūgésye pa kigemo, itolo mūmo u Mbepo Mwikemo āyobile. Kangi abana abāngi bitūgésye bōsa ukusyungutíla. Une mmenye i nyuma ya Daulton yihobwike.

⁴ Kēta u nkīkúlu unnini pala uyu abēne bāli nu lwīpúto panongwa ya mwāna pa Ndungu gwa mmayolo, binogonaga ayaga pa kufwa. Une ngukēta akene kakāli kali na uswe ulubunju ulu, kangi uswe tuli basangalufu fiyo panongwa ya ikyo, kalumbu. Abēne binogonaga ukwene kwāli kwengeluka kwa nnyofu, kangi akene kakāli nako ukwene. Polelo uswe tuli bakupālisya fiyo.

⁵ Ukukēta bosa abinitu abanunu. Une ngukumbukila u nnyāmbala uyu apa ikwisa kwa uen mu bwangalo bwakusofu ku—ku Chautauqua akabalilo kamo, une ngusūbila ukwene kwāli. Une nāli na nifyākulya-kalembusya na ugwe nu nkasigo na bāna, une ngusūbila ikylene...pamo ugwe nu nkasigo, pamo abāna, ena, bōpe. [U nkundwe ikuyoba, “Middletown.”—Nsimbi] Middletown, ku i...Lōli uswe twesa... Une ngwībwa i ngamu yila, polelo une itolo nguyikōlela iyene Chautauqua. Ena, nkulumba. Bingi abinangu abanunu.

⁶ Nkundwe Charlie Cox na Kalumbu Nellie kubwa kuno, uyu yo isile ukuya kāya kākibīli kwa une, kangi nakimo lōli umwe mwābagile ukuya bāna bāngu bēne. Une ngubuka ukusuluka kula, ukwene ko une ngutaga akabalilo kāngu fiyo ukuyata, ko kusuluka kula. Umwene yo mfwimi unnunu ukukinda-bosa mu Kentucky akabalilo kāko une ndi mu Indiana. Kangi popāpo Indiana... Kangi Charlie, une ngukubūla ugwe une itolo

nĩsyũkĩle, ukwipilika nububabe fiyo ngati une mbagĩle ukukola amanandi ga gala amagege pamo imbasa indabalabe bo une ngāli nganyamuka kula. Une itolo naloliloli ngwipilika ngati une nābagĩle ukwikasya ikyene fiyo.

⁷ Nkundwe Parnell...Par-...Arnett, ukufuma ku Lou-... South Carolina. Kangi Nkundwe...Ena, itolo bingi fiyo abēne abakindane apa ukufuma mabuyo amakindane, aba bĩngĩle ulubunju ulu ukutuyātĩla uswe.

⁸ Umwe mumenye, uswe tukaya nu bwenekaya ubwābwila apa. Uswe itolo tuli nu bulilansi yumo nu nnine, bo i Lilopa lwa Yeso Kristi, Mwanundumiana gwa Kyāla, likutusũka uswe ku busitabugolofu bōsa.

⁹ Lilino, uswe tukuya nukufunda ukwikyēle, itolo kyalwĩmĩko. Kangi uswe tuli, pabunini fiyo une ne...mmenye une ngwĩkyēla ikyene, kangi une mmenye mwesa umwe mukwĩkyēla ikyēne numwe. Une ngwandako utubalilo tumo ukukinda pamusi, ukuyoba isya ikyene pamo ukubala isya ikyene, une ngwēga kifuki amanandi mabili nukwandako ukukinda m'Masimbo kangi, ikindu kyākwānda umwe mumenye, une mbombilēmo ukufuma Bwāndĩlo ukufika Busetuli, ngāli ngubũka.

¹⁰ Kangi, umwe mumenye, une ngulonda ukwēga akabalilo kũko uswe tubagĩle—kũko uswe tubagĩle ukufika pa Bũku gwa—gwa Bahiburi, kangi ukwēga itolo bo...Ena, bo akabalilo ka balukoti kakwisa mula, bo Seputem-...kifuki Okuto-... Ogasti, umwe mumenye, kangi ukukindilila mpaka akabalilo ka kubuka ukukilania inyanja, itolo ikilo kilikyosa pa Bũku gwa Bahiburi, pamo Bũku gwa Kusōka. Mũmo Kyāla, Kusōka, ukutwala panja abāndu Bāke ukufuma mu Igupto, u kusōka! Kyākwegelēla ikimogi fiyo ikya uswe lilino tukwītendekēsya ku kusōka. Ikyene kyo, o, ikyene kyo kindu kimogi fiyo. I Lisimbo lyōsa likulungisania palikimo, kangi akene ko Kapango kamokene akanywamu.

¹¹ Lilino, ulubunju ulu uswe—uswe tukāli tuli mwa Buku gwa...Uswe twayaga pakwega imitu igwakwanda mitatu igya—igya Bũku gwa Baefesi. U kalata gwa Pauli ka Baefesi ku Efesi, ukugela, ukubika pamwene-pamwene i kipanga. Kangi itolo bo uswe tukāli ukusegelēla ikyene, ngimba uswe tubāgĩle ukupaya akabalilo akangi pamo tubili ku lwĩpũto itolo bo tukāli ukubōmba.

¹² O Ntwa, Kyāla gwĩtu, uswe tukwisa mu Kuyapo Kwako lilino, ukuya basitakufwana bo uswe tuli, lōli uswe tumenye ukuti kuli u Kwiyipa kwa Lilopa pala kukugũlĩla, ukutusũka uswe ukufuma ku bubwapufu bōsa, nukututwala uswe pankyeni pa Tāta, kisitakasolo, kisatabusobi. Komma nakamo aka uswe twābagĩle ukubōmbamo siku ukufwanapo pa iki. Lōli panongwa yakuti Yeso abōmbĩle iki kuli uswe, uswe tukwinama nukwiyĩsya

ku Kuyapo Kwāke ni Ngamu Yāke, ukusuma ukutu Ugwe kutumaga u Mbepo Mwikemo ulubunju ulu pakati pitu. Kangi komma ukuya mfunda-kyāla pamo ukumanya akabīkīlo ka Lisimbo ndubātiko, lōli itolo ukukasigwa kangi ukusanguluka ku bwipilikisye bwa Mbepo Mwikemo bo Umwene ikwenda ukukinda ubundu bwāngu, Umwene ali sayaga aligwesa gwa uswe palikimo bo uswe tukubala i Lyāko i Lisyu ilisimbīgwe, ukuti Ilyene libagile ukuya kwa uswe Būmi Syēpwa. Tupaga ikyene, Tāta. Uswe tukusuma ikyene mu Ngamu ya Yeso, kangi panongwa ya Yeso. Amenii.

¹³ Lilino une mbagile ukuyoba iki muno, ikyākwānda, ukuti linga akabalilo kalikosa akakuti une mbagile ukuyoba ikindukimo iki kikuyaga kyakukanikana, kitikwitugasya itolo kanunu, lumo naloliloli kisobi ku bumanyisi bwīnu, pamo ikindukimo iki ugwe ukābagile ukwitikisania nakyo, une ngusūbila Mbepo Mwikemo, ukuti Umwene isakukipelaga ikyene kilungigwe nukuya kinoge mpaka patisakuyako... ukuya nabuma ubusulumanie na panandi. Muketile? Ukuti ikyene kisa—ikyene kisakuyaga ukwisila ndugāno nu bulilanisi, ukuti ikyo kyo iki ikyene kyo. . . Ikyene kisanusigwe ukuya njila yila.

¹⁴ Kangi iki kyosa kikwānda nu bulūmbilīli bwa Pandungu apa pakindile, une ngusūbila ikyene kyāli, Pandungu apa pakindile ndubunju, ukuya *U Mwalafyāle Umpikigwe*. Ngimba aligwesa ali nayo i tepi mpaka na lino? Une ngwinogona abēne bali nasyo isyene, kangi umwe mubagisenie ukuya nasyo isyene linga umwe mukulonda isyene, *U Mwalafyāle Umpikigwe*.

¹⁵ Lilino itolo amasiku manandi kangi uswe twisakwandaga ku. . . pamwanya ku Middletown, Ohio. Uswe tukulonda twesa aba bali ni syābo—syābo indūsyo sibīkīgwe ku kabalilo kala ukusisimikisya ukwagana na uswe kula, 'nongwa yakuti uswe tukugūlīla akabalilo akakulumba ka bulilanisi ku Middletown, Ohio. Doctor Sullivan yo gwakikota, une ngwinogona, gwa kibugutila. Kangi kula kwisakuyako ikilo ihano isya ikyene, une ngwisakulūmbililāga ukuya u—u njobi nhesya ku Lukomano lwa Fisufyosa ulwa kipanga kya Pakati-pa-fipanga-fipāgūke. Kangi polelo—polelo ukufuma pala, kwisakuyaga u lukomano lwitu twibene ukufuma pala ukubuka nkyeni. Uswe tulinalo ukwene lubikīgwe mpaka pa lya-kalongo-na-mabili, lōli pāsi pa kupilikisania ukuti uswe tubagile ukukindilila nukukinda undungu ugungi ukufuma pala, itolo kikwēgēla pa mūmo Mbepo Mwikemo ikukulongosyaga. Uswe twesa tukulonda ukulongisiga na Mbepo; itolo iki Mbepo ikuyoba bōmba, polelo bōmba ikyene mbibimbibi.

¹⁶ Kangi unko uswe tukumbukilege bo uswe tukupilikila u Mbepo, ikimanyisyo kimokyene ikikulumba iki uswe tukulonda ukumanyiila, ko komma siku ukuya nu mpwato. Muketile, ega

akabalilo kâko, yaga nu lwĩtiko. Linga uswe tunsũmĩle Kyāla kalikosa, kumbukilaga Kyāla ikwamula ulwĩpũto. Umwene ikubõmba ikylene nkabalilo Kāke, mu njila iyi yo nnunu ukukinda, ukupela ikylene ukubõmba itolo nubutalusye kwa uswe. Kangi linga ikyo kikaya ulu, polelo ngimba fyo fiki ifi uswe tukubõmba apa ulubunju ulu? Ngimba kyo fiki—kyo fiki iki uswe tukwĩyobela i Kikristi? Kyāla. . . Linga ili lya likaya Lisyu lya Kyāla, kokuti Ilyene likaya lyābwanalõli, kokuti uswe twāgĩgwe nkati mbāndu ukuya bapelakisa ukukinda.

¹⁷ Une nhõbwĩke fiyo ukulungisania indumbula na bĩngi apa aba bamenye ukuti Iki kyo lisitakutoligwa Lisyu lya Kyāla. Polelo Ilyene, Ilyene lya Lisyu lililyõsa Bwanalõli, i Lisyu lililyõsa lya Ilyene, uluko lõsa lwa Ilyene. Kangi ni lipyana lya Kyāla, ukuya nu lusáko ukukēta i Kĩsu ku iki ilisiku limo uswe twisakubũkága.

¹⁸ Mmayolo (Abāndu batikumanya to tubabalilo nki utusulumanisye tukwĩsa nu luko lwa butumĩgwe ubu.), une nafikile ukuya nsulumanie naloli, kangi une ndinkuyoba ku nkasi, “Une ngunyonywa une nābagĩle itolo ukukindililága.”

Umwene alinkuti, “Fiki ugwe kuyoba ikyo, Bill?”

Une ndinkuti, “O, apa une ndini ndamyo ni findu.”

¹⁹ Kangi polelo kyabonekaga ngati u Mbepo Mwikemo āyobĩle, “Ngimba ugwe kugela ukubeka isyene? Ngimba ugwe—ngimba ugwe kugela ukwĩbilĩla ku syene?” Muketile?

²⁰ “Umma,” une ndinkuti, “itolo unko une nĩme palapala nkyeni mwa kisyo kya kyosa ikylene nukukētána ni kyēne mōsa.” Muketile, itolo. . . Muketile?

²¹ Ikyene kyo kinunupo fiyo. Nubwanaloli-ndumbula, nubwanalõli, une nguyoba nu bukēti, ukuti itolo ukufuma pāpo u bũmi ubu bumalĩke, uswe tukwingila i Kĩsu iki kyo kukinda kalikosa aka aligwesa ābagĩle ukwinogonamo. Kangi linga balipo abahesya balibosa apa, une ngusũbila ukuti umwe mutiku. . . Une ngusũma Kyāla ukuti umwe mutikunyēga une mumilisi. Une—une ngulonda, linga kilikyosa, ko kuya gwabwanalolindumbula kangi ukuyoba u Bwanaloli. Kangi ngimba bo bununu buki ikylene kikubombaga une ukuyoba ikindukimo iki kyāli kisõbi, akabalilo kâko bulipo bwĩngi—bulipo bwĩngi fiyo ubu buli muno ubu bo Bwanalõli? Uswe, nongwa ya fiki uswe tukufimbilisigwaga ukuyoba kalikosa akasõbi isya ikylene? Muketile? Ikyene, Ikyene kyo itolo Bwanalõli.

²² Kangi, yo nongwa, une ngwitika Pauli ānyakilĩgwe mu mwanya gwabutatu, kangu umwene ākētĩle i findu ifi ikylene kikāli kabalilo-kāke kuli umwene ukuyobapo. Kangi ilisiku lumo umwene alinkuti, “Ikisige kikakēta, imbulukutu yikapilika, pamo kikingilamo ikylene mu ndumbula ya mũndu,

iki Kyāla alinakyo kuli bēne (mu bupāye) aba bānganīle Umwene.”

²³ O, uswe itolo tukwītugāsya...Uswe tukwītugāsya mbutāgīlo ifyakulundika pāsi apa, ikyo kyo kyōsa, itolo ikilūndiko kya finyanyasi fiswile ni—ni lyōsi ilifūke ukufuma ku finyanyasi. Ee...Palema nalinga uswe tukaya bābwapuligwe ni kyene twibene, uswe twītūgēsye mu kyene, kūko i lyōsi likwisa ukufuma ku bufūke bwa fisīnga fya butulwanongwa. Kimo mwa findu ifibiniseye ukukinda-fyosa une mbagīle ukwinogonapo, ko kubutāgīlo kwa kāya akaiyolo kukwāka. Ngimba ugwe gwālīmo siku kifuki ku kimo? Bula ubununge ubwa ilinyāli, ilyōsi ilibwāpuligwe likufyuka ukukinda mu luko lōsa lya finyanyasi. Kangi—kangi ugwe kwega ubutuyo bwa ilyene, kangi ilyene likukubilusya ugwe ukusyungutila.

²⁴ Une ngukumbukila ukuti nābukāga ukusuluka ku New Albany, ukusuluka nkyeni ku...pāsi pa Lukindi Kalongo-lwēle, kula kūko ilitāgo ilyaiyolo lyālisibīle ukuya, kangi une nāfimbilisigwāga ukwega ukusuluka nkati mula nukubāla ifipimo. Kangi une itolo nātilāga ilisiku akabalilo kāko ilyo lyāli, injila ya kalongo-na-lwele, akabalilo kāko une nāfimbilisigwāga ukwega ifyo pāsi nkati mula, panongwa yakuti ikyene kyāyaga pakununga ubununge ubunyali bula. Kangi pōpe, gilambalele panja pamwanya pala gyāli mibili gya mbeba ni mbwa na filifyosa, umwe mumenye, ifi fyafūkāga kangi ilyōsi ilyaiyolo lila likwisa mmwanya ukukinda ikyene.

²⁵ Lilino, pōpe, ikyo kyo iki u būmi ubu bukufwanikisigwako, ku bununu-fiyo bwa ikyene. Itolo ukufūka, ubutulwanongwa itolo bukununga ukufuma kulikosa, mūmo ikyene kyāli, ukuyoba mwambepo. Lōli, o, kūko u mbelo gukupūta nubwābūke, kangi kilikyosa kyo kyalugāno nu lutengano nu busangalufu nu Būmi Syēpwa, itolo ukukilania u lusoko. Lōli uswe tuli mu bwīte, polelo unko uswe itolo tulambalale pāsi nukuyoba, “Unko uswe tubopelege nukufika ukukilania kula,” unko uswe tutwāle aligwesa na uswe aba uswe tubagīle ukutwala. Ena.

²⁶ Kangi lilino i fundo ya fimanyisyo ifi ko kungimisya bala aba batalile bīsile ukukilania i Kīsu. U lubīngililo lwa iki, ukufunda u Būku uyu gwa Baefesi, ko kubīka-pabuyo pamwene-pamwene i kipanga pāpo ikyene naloliloli kikwīma mwa Kristi. Ikyene kyo kyākwēgēla kya Lwitikano Ulukulu kangi u Būku gwa Yoshua, kūko Yoshua āyābēnie. Pandungu ugu gwākindaga uswe twalinakyo ikyene, kūko Yoshua āyābēnie i kīsu ku nnyāmbāla aligwesa. Kangu umwene ābōmbīle ikyēne ukwisila mu bupake.

²⁷ Mūmo Mōse āli...ātwele abāndu pānja pa Igupto, ifitungulu, abānyesi, panja, nukubapa abēne u buyo kūko Kyāla āfīngīle ifyinja ba mia bana ukukonga...pamo a bamia bana pabutasi, ukuti Umwene ikubatwalaga abene mbuyo, i kīsu

ikinunu kisululúka nu lupyu nu lúki. Kangi Mōse ābalongolíle abāna ba Israeli mpaka pala ku kisu, lōli akābalobosisye abēne kwisílya.

²⁸ Kangi Yeso, ku bamwambepo, ku bāndu aba bisa...uswe tufingiligwe Mbepo Mwikemo ukufuma ku bwandilo, Yeso ātulungolíle uswe mpaka lu lufingo. Lōli Mbepo Mwikemo ālisíle, bo Yoshua, ukwingil'ikilingo nukulongosya nukusósola nukwega ubwenenakyo i kisu, pamo ukuya mwenenakyo gwa kipanga. Uswe tukusyagania, mubupepe, polelo, ukuti mu fyítu...

²⁹ Lilino apa po pāpo, lumo, abāndu babagíle ukwinogona ukuti une ndi gwamatingo kangi ngugela ukupíka abakundwe. Une ngaya! Kyāla ayēge Ndongi gwāngu, une ngaya. Muketile? Une ngugela itolo ukusósola panja ikindukimo iki kyo Bwanalōli. Muketile? Uswe tusalíle abalōngósi, ubulōngósi bwa Mbepo Mwikemo. Uswe tulondile abanyāmbála ukuyabania mōsa ikiyabo kyítu nukutulōngósya uswe, ifipanga-fipāgúke bo kiMethodisti, kiBaptisti, kiPresbeteri, kiLuteri, Kipakanga kya Kristi, kiPentekosti, ni fipanga-fipāgúke ifikindáne, ukubíka ikipanganio ukuya kyākwēgeléla, kangi uswe tukukōnga ikyo. Lōli uswe twe...

³⁰ Napamo mu li Bāngéli tukulagililigwa uswe ukubomba u luko lwa ikyo. Likayapo ni lisimbígwe lya Lisimbo nalimo, mu lyosa ili Bāngéli lya Kyāla, kūko Umwene āpangeniémo siku ikipanga pamo kūko Umwene āyobilémo siku isya kipāngánio, nu buyo nabumo mu li Bāngéli. Lōli bwila ukukindana fiyo ni kyene. Umwene atikulonda uswe ukuya babūmbígwe bo findu fya nkīsu. Umwene ikulonda uswe bakindáne, babíkígwa palubafu.

³¹ Une ndikusanusya lilino ukuya “ntoyofu,” mūmo uswe tukukikōléla ikyēne. Une ngusanusya ukuya bāndu abakōleligwe-pānja, o, ikikolo ikisayígwa, ukwitūgásya imyoyo igi gili pamwanya pa bukosityasoni, ukubōmbéla, ukwikōlako twibene itolo mūmo Umwene ābagíle, ukubōmba mwa uswe, namanga uswe twe bumang'anyi Bwāke, tupeligwe mwa Kristi Yeso ku mbombo inunu.

³² Lilino, Kitatu nkilo, bīngi ba umwe mukāli apa pa Kitatu nkilo, lōli uswe twāfikile mu...Une ngusūbíla ikyene kyo linandi lya 3 pamo i...Umma, ilyene lyo linandi lya 5.

...ku bufwikígwe, pamo ukubíkígwa mbuyo kwa bāndu...

³³ Mūmo fikuti Kyāla, ikugela ukubíka pabuyo abāndu Bāke, kangi akabalilo kāko Kyāla ikubíka pa buyo yumo, polelo, o, bōsa ikipanga kyōsa kikulonda ukuya bo yumo yula, ukuya nu luko lwa findu ifyakufwana, ukubomba ifindu ifyakufwana.

Uswe tutumuligwe mōsa mbukīndane, uswe tutendekīgwe mbukīndāne, kangi uswe tubikīgwe pa buyo mbukīndāne, yumo aligwesa ku mbombo ingīndāne; lumu yumo itolo ku luko lwa mbombo inini, uyungi ku mbombo inywamu. Une ngusūbila umwene āli Davidi pamo yumo mwa basolōli, une ngwibwa lilino, alinkuti, “Une kinunupo njege nkeka-gwapakifigo ku Nyumba ya Ntwa, ukukinda ukuya. . . ukwitugasya mfihema ifya batulwa- . . . ababutulwanongwa.”

³⁴ Lilino uswe tukwīmāga itolo pa sekondi yimo pa kufwīkīgwa, ilinandi lya 5, ukugela ukufika pāsi nubutāli mūmo uswe tubagīle pa kyene. Lōli lilino kumbukilāga i fundo, iyene yo palikimo pa kubīka pa buyo. Balinga bikupilikisya ikyo? Unko uswe tupilika umwe mukuyoba ikylene ni lisyu limolyene: “Ukubīka u Mbīli gwa Yeso Kristi pamwene-pamwene mwa Kristi kūko Mbepo Mwikemo ikutulōngolēla uswe.” Mwākēta umwe lelo, lilino uswe tupilikīsyē ikylene, muketile. Pamwene-pamwene ukutubīka uswe, u Būku gwa Baefesi yo ikubōmbāga ikyo.

³⁵ Kangi kētēsya u mmanyisi nkulumba uyu, Pauli. Ikindu kyākwānda umwene ikubōmba ko kupufulūla panja ilinogono lyōsa ilya kugwīla pānja. Ukupufulania ilinogono lyōsa ilyā siku “ukuyāmo Nkristi umwisyūgu kangi kilabo une ngīndīle, kangi ilisiku ilikōnge Kyāla andāgīle une kangi ilisiku ilikōnge une ngomokīle kangi.” Ikyo kyo butoyofu! Lilino iki kyo . . . U Būku uyu akasīmbilīgwa ku bumanyisi bwabāngēli, ubulumbilili bwa babāngēli. Uswe tutiku . . . Une ndikupalamasya iki mmigunda. Une ngutwala iki ku kipanga, namanga Pauli akitwēle iki ku bīkēmo, bala aba bākōlelīgwe nukufisīgwa, kangi bīsūsīgwe nukubīkīgwa palubafu, kangi bali mwa Mbepo Mwikemo, batalile bali mu Kisu kya Kenani. Umwene ikugela ukubabūla abēne, ikindu ikyakwanda, kisōsyāmo ikyēne ukufuma mu linogono lyīnu ukuti umwe mwisakutāgīgwa kangi umwe mwisakubomba *iki*, kangi umwe mukutula *iki*. Komma ukuya nulutende paitolo, namanga umwene ikugela ukubabūla umwe pāpo umwe mulipo, umwe mwe ywani, mūmo umwe mwīmīle.

³⁶ Lilino, ugwe ubagīle ukubōmba ifindu mbusōbi, kangi akabalilo kosa ugwe kubomba kalikosa mbusōbi ugwe kuyaga pakuhōmbīgwa panongwa ya kyēne. Ena, nkulumba, ugwe kufunja iki ugwe kubyala! Lōli ikyo kikaya nakyo ni kindu nakimokyene ukubōmba nu bupoki bwāko. Akabalilo kāko ugwe upāpīgwe mwa Mbepo gwa Kyāla, ugwe uli nu Būmi Syēpwa kangi ukabagila ukufwa ukukinda mūmo Kyāla abagīle ukufwa. Ugwe gwe kiyabo kya Kyāla, ugwe gwe mwanundumiana gwa Kyāla.

³⁷ Une nāpāpīgwe u Branham. Ugwe ubagīle ukundendeka une ingamu iyingi. Ingamu iyingi yitisakundendeka une kimokyene ukusōsyāpo, une pōpe yone Branham. Une

napápígwe Branham, bwila nguyaga Branham. Une ngu... Une mbagile ukusanusigwa fiyo ilisiku limo, ndemasígwe ni mbungo ya fifupa, ukuya mfulale nukuya nswanyuke mpaka une nguboneka bo kinyamana, lóli une pópe ne Branham! Nongwa ya fiki? Ililopa lya Branham lili nkati.

³⁸ Ikyo kyo iki ugwe uli. Kangi akabalilo kosa Kyala ákutendíke ugwe... Lilino kumbukilaga, une ndikuyoba kwa bala abápánja pa Kristi. Une nguyoba ku bala aba bali mwa Kristi. Ngimba ugwe kuya bulebule mwa Kristi? “Nu Mbepo yumoywene!” Unywamu M-b-e-p-... iki kikusanusya, “Nu Mbepo Mwikemo yumoywene uswe twesa tósígwe mu Mbili gumogwene.” Ngimba uswe twe bulebule... Ngimba uswe tukuya nkati bulebule? Nu lósyo lwa mmísi? Mũmo ngukĩndána na mwe baBaptisti umwe kangi umwe ba Kípanga kya Kristi. Komma nu lósyo lwa mmísi, na panandi! Bakorinti Bákwanánda 12, áyobíle, “Nu Mbepo yumoywene, Mbepo Mwikemo, tukutwálígwa uswe nkati mu Mbili gula.” Kangi tuli itolo baponesigwe mũmo u Mbili gula mbonésígwe. Kyála yo... áfingíle ikyene.

³⁹ Ngimba Kyála ábagile ukundōnga Umwene kangi bulebule, bo Umwene ábúkíle ku Kalvari? Ukubũka ku Golgota, Umwene ákomígwe, ukupuyuligwe, Umwene akábagile ukubumbuluka, Umwene alinkutoligwa nukuyoba i lisyu limolyene, kifuki. Nongwa ya fiki? Umwene áli ni mbibi sya kisu pa Mwēne. Komma nongwa yakuti Umwene áli ntulwanongwa, lóli, “Umwene átendekígwe butulwanongwa” panongwa ya une kangi panongwa ya ugwe. Imbibi syōsa isya kisu ukufuma Adam mpaka u Kwisa Kwáke, syalambalele pa fibega Fyáke. Kangi Kyála akáfundága u Mwanundumiana Gwáke. Umwene áfundága ubutulwanongwa. Mukukēta mũmo kyáyilíle kibibi ikyene? Umwene ábōmbága ukupepekela. Umwene ápelaga injila ya bubopelo kuli bōsa bala aba Kyála, nubumanyila nganila Bwáke, áménye bikwísága. Uswe tukwísága nkati mwa ikyo mu maminiti manandi.

⁴⁰ Lilino, polelo, akabalilo káko ugwe gwe “nu Mbepo yumo uswe tósígwe nkati mu Mbili gula, u Mbili gumogwene, iki yo Kristi,” kangi uswe tuponesígwe kwa bwilanabwila.

⁴¹ Lilino, apo po pápo ikyene kikuboneka kikutika nubuswigisye, fiyofiyi aba—aba—aba abitiki ba Arminia, ukuti abēne bo... bikufimbilisigwa ukubōmba ikindikimo iki ukwifwanisya bēne, pamo ikindikimo ikyákukabilapo. Ngimba ikyene kikuyaga bulebule ukwisila mu findu fibili akabalilo kamokene? Ikyene kyo pamo ukwisila mu lipyana pamo ukwisila mu mbombo, kimokyene. Ikyene kikabagila ukuya kyakwísila mu kindu kilakila, ikyene kyo ukwisila mu findu fibili ifikĩndáne; ikyene kyo kikufimbilisigwa ukuya mwa kimokyene. Ikyene kyo... .

42 Une, mwe, une ngabagíla ukukēta nakimo ikingi lōli ilipyāna lya Kyāla. Uko ko kubūmbígwa kwāngu. Une akabalilo kōsa nālītike nalōli mu ipyana. Une ne itolo ipyana paliposa, ikyo kyo kyōsa. Ikyene kikaya une—une. . . pōpe mu būmi bwāngu, bo une nāli ndumiana, une ndinkutōlígwa ukukēta nakimo, loli ipyana, ipyana. Abēne bikuyoba, “Une—une ngwisa. . . Ugwe kāsúla inyuma yāngu kangi une ngukāsulága iyāko.” Ena, ikyene kyo buyobelo ubunyali. Lōli une ndikupāsyā kali ugwe kukāsulága iyāngu pamo mma, linga iyāko yikulōndígwa ukukāsúla, une nisakukukāsulága ugwe mulimōsa. Muketile, ipyana. Ena, nkulumba. Muketile, ilipyana likubomba mu lugáno. Linga ugwe kulonda ilyene! Kisitakupasya linga ugwe ukāmbombelāmo nakimo kuli une, une—une ngaya nako akandu kamokene akākubōmba na ugwe, linga ugwe kulondigwa ikyene une ngukibōmbága ikyēne mulimosa. Ipyana! Panongwa yakuti ugwe kulondigwa ilyene!

43 Une nālōndigwága ukupokigwa. Kikālipo nakimo kyābagile ukumboka une. Kikālipo nakimo une nābagile ukubōmbapo nimwene, ngābagile mbwingipo ukwipoka nimwene ukukinda nakimo. Lōli une nālōndigwága ukupokigwa, panongwa yakuti une nālītike mwa Kyala yumo. Kangi Kyāla ātūmíle u Mwanundumiana Gwāke, atendekígwe mu bufwane bwa mbili gwabutulwanongwa, ukukūbílwa mbuyo bwāngu, kangi une nāpōkígwe, ni lipyana lyēne nāpōkígwe une. Na kandu na kamokene nabagile une ukubōmba, pamo ugwe ukubōmba, ukwipoka gwimwene. Kangi bala aba Umwene amanyīle-ngānīla bo lukāli ulwālo lwa kīsu lukālígwa. . .

44 Uswe tukīndilēmo mu kyene, i Kitatu iki kikindíle. Uswe twabíkile ikifwani u Kyala mwa Gwāke Elah, Elohim, kangi twānāngīsye ukuti Umwene yo njako-pamwene. Lōli nkati mwa Umwene bwālímó u Bwatāta, nkati mwa Umwene mwālímó ifyakubagilila ifikīndāne, bo u Mpoki, bo u Mbumbulusi. Ifyo fyāli fyōsa mwa Kyāla, kangi Kyāla āli njepo-pamwene. Lōli pakuti Umwene āli Mpoki, Umwene āli yo Tā- . . . Umwene akāli nayo u Gwāndúmi, Umwene akāli nakyo nakimo. Kikālīko nakimo lōli Mwēne. Umwene āli njepo-pamwene. Nakimo kyālīko lōli Kyāla.

45 Lōli pakuti Umwene āli Kyāla, polelo pala pikufimbilisígwa ukuyapo ikīndukimo ikyakummwīpúta Umwene, panongwa yakuti Umwene āluganīle ulwīputilo. Kangi u buKindu Bwāke Bwene bwāpelīle ifipeligwa ukummwīpúta Umwene. Lilino, mukukolelelāpo tasi, unko uswe tukitíke ikyene kāngi, mukukolelelāpo tāsī lilino, uswe tutīsa kukīndamo mu kindu kyōsa mma, lōli umwe mwisakukyāgága ikyene pa tepi. Lōli polelo panongwa yakuti Umwene āli Kyala, Umwene alinkutendeka a Bāndúmi, kangi a Bāndúmi balinkummwīpúta Umwene. A Bāndúmi bakāli bikummwīpúta Umwene. Fiki, a Bāndúmi aba bikwīma mu Kuyapo kwa Kyāla bali na ntāndātu,

ikipambo kya mapiko, amapiko ntāndātu. Abēne bikupimba mabili pamwanya pa kisyo Kyābo, mabili pamwanya pa malundi Gābo, kangi bikupuluka na mabili, mu Kuyapo Kwāke, ukukūta pamusi na pakilo, “Mwikemo, mwikemo, mwikemo, Ntwa Kyala Mwenemaka.” Ikyo kyo iki i Lisimbo likuyoba. Abēne balinkumwīpūta Umwene, lilino kila kilinkupela ikindukimo ukummwīpūta Umwene.

⁴⁶ Polelo nkati mwa Umwene kyālimo ikyakumbagilīla ikya Mpoki. Ngimba bulebule kimo mwa Fipeligwa fila, akabalilo kāko bukālīpo nabumo ubutulwanongwa pamo nagamo aminogono ga butulwanongwa, ngimba kyābagīle bulebule kimo mwa Ifyene ukuya kiyonge? Ikyene kikābagīle ukuya. Popāpo pala kyafimbilisigwāga ukuyako ikindukimo kitendekīgwe iki kyabagīle ukuya kiyonge, ukuti Umwene ābagīle ukuya Mpoki. Nkati mwa Umwene āli Mbumbulusyi. Ngimba ugwe kwitika Umwene yo Mpoki? Ugwe kwitika Umwene yo Mbumbusyi? Lōli bule linga kikālīko nakimo ikyakupoka pamo ukubumbulusya? Muketile, pala pafimbilisigwāga ukuyapo ikindukimo kitendekīgwa injila yila.

⁴⁷ Popāpo lilino, Umwene akatendikemo siku ikyene injila iyo, lōli Umwene ālīmīle u mundu pa butuli bwa lwīho lwabwābūke, “Linga ugwe kwega *iki* ugwe kuyaga mūmi, linga ugwe kwega *kila* ugwe kufwa.” Kangi u mundu aligwesa uyu ikwisa nkisu yo akāli abikīgwe ni kindu kilakila. Kyāla, mu kumanyila-ngānīla Kwāke, āménye yūyo ābagīle kangi yūy akābagīle. Linga Kyāla ukuya . . .

⁴⁸ Ililālūsyo lyalālūsīgwe mmayolo nu mfunda-kyāla, kwa une, uyu isaga ku ngomano pamo ikupilika i tepi, alinkuti, “Ililālūsyo limolyene!” Umwene alinkuti, “Kokuti Kyāla yo njapo-posa? Kokuti,” umwene alinkuti, “Umwene abagīle ukuya kulikōsa?”

⁴⁹ Une ndinkuti, “Umwene akaya njapo-posa mu njila iyi i lisyu likuyoba njapo-posa. Umwene akabagīla ukuya Kindu kangi polelo ukuya njapo-posa yumo. Linga Umwene yo njapo-posa, nongwa yafiki ugwe gwabagīle ukusuma Mbepo Mwikemo? Linga Umwene yo njapo-posa, Umwene ikwisusya akalenduke kalikosa, inguto, akambako, akambakasya kalikōsa, undīsi, kilikyosa ikingi iki kiliko.” Une ndinkuti, “Nongwa yafiki Umwene alinkumfwīma Mōse, linga Umwene yo njapo-posa, ku butusyilo? Nongwa ya fiki Umwene alinkubopa ukufyuka-nukusuluka mu ngunda gwa Edeni, ikukūta, ‘Adam, Adam, ngimba uli kugu ugwe?’ linga Umwene yo njapo-posa?”

⁵⁰ Umwene yo njapo-posa panongwa yakuti Umwene yo mmanya-fyosa. Umwene amenye kilikyosa panongwa yakuti Umwene yo nsitampaka, ukuya nsitampaka kukuntendeka Umwene njapo-posa. Ukuya njapo-posa, polelo, ukuya nsitampaka, polelo, Umwene ikwitūgāsya m’Myanya. Umwene

ikwitugāsya mbuyo bumo panongwa yakuti Umwene yo Kindu kimo.

⁵¹ Lōli, ukuya nsitampaka, polelo Umwene amenye ifindu fyosa. Ukumanya akabalilo kalikosa akambwele kakupula akasige kâke. Amēnye injuki yiliyōsa, kũko iyene yikubũka nkifumbwa ukwegwa ulũki lwâke. Umwene amenye tundulu aligwesa uyu ikwītũgāsya mu mpiki. Umwene amēnye ilinogono lililyosa ili lili mbwinogonelo bwâko, panongwa yakuti Umwene yo nsitampaka kangi mmana-fyōsa. Uko kokuti, Umwene kukaya kwene ukuti Umwene nsitampaka, Umwene yo mmana-fyōsa, Umwene amēnye kilikyosa. Lōli Umwene yo Kĩndu kimo, Kyāla yo Kĩndu kimo, kangi ukufuma mu Kĩndu iki kikwānda ukutwala panja ifi.

⁵² Kangi ubutulwanongwa, une nāyobĩle ikilo kimo, ubutulwanongwa bukaya kipeligwa mma. Kikayapo nakimo kyāpelĩgwe loli bupelelesye. Kyāla āpelĩle ifindu fyosa finunu. Ubutulwanongwa bukaya kipeligwa. Bayobile, “Ena, ikyo kyo kipeligwa kilakila ikya butulwanongwa.” Umwe mupilike ikyo. Lōli ikyo kyo kusoba. Ubutulwanongwa. . . Alipo itolo yumo u Mpeli, uyo yo Kyāla. Kyāla akābagĩle ukupela ubutulwanongwa, panongwa yakuti Umwene yo mwikemo kangi kikayamo nakimo mwa Umwene ukutendeka ubwene. Ubutulwanongwa ko kuniongasya; komma ukupeligwa, lōlu ubwene bo buniongasye. Ubulogwe bo akabōmbelo akagolofu kansiongasigwe. Ubusyobi bo bwanaloli buyobĩgwe mbusōbi. Ubutulwanongwa bulibōsa, ubutulwanongwa bulibōsa bo bugolofu buniongasigwe.

⁵³ Polelo lilino, Kyāla ikwītũgāsya. Umwene atalile ibonisye Mwene, Umwene yo Kyāla. Umwene atalile ibonisye Mwene ukuya Mpoki, u mundu āyōngĩle kangi Umwene ālipokĩle abēne. Umwene atalile ālibonĩsye Mwene ukuya Mbumbulusyi. Kitikutendeka ubukĩndāne nabumo iki abāndu bikuyoba ukuti Umwene ali; kangi Umwene yo ali, mulimosa, itolo yulayula. Umwene yo Mbumbulusyi, Umwene yo Mpoki, Umwene yo Kyāla, Umwene yo Gwasyēpwa. Kangi Umwene ali nu lubĩngĩlilo. Kangi u lubĩngĩlilo Lwāke lwāli, ku bwāndĩlo, ukutendeka ifipeligwa ifi fikungana Umwene kangi ukummwĩpũta Umwene.

⁵⁴ Kangi Umwene alinkutendeka ifipeligwa, kangi ifipeligwa filinkugwa. Kangi polelo Kyāla, nu busita-mpaka Bwāke, alinkukētēla pāsĩ ukwisila nkisōko kya kabalilo kangi ākētĩle u mũndu aligwesa uyu ābagĩle ukupokigwa. U mũndu aligwesa, Umwene āmēnye ikyene ukwisila mu kumanyila-. . .mu kumanyila-ngāni. Polelo linga Umwene, nu kumanyĩla-ngānila, āmēnye yũyo ikupokigwaga na yũyo atikupokigwaga, Umwene ābagĩle ukusũngulĩla-ngāni. Popāpo, i lisyu ili likaya lisyu libibi fiyo muli mosa, bule ilyene? Umwene ābagĩle ukubĩkĩla-ngāni, panongwa yakuti Umwene āmēnye yũyo ikubōmbāga na

yūyo atikubōmbága. Polelo, ukuti akóle bābo bikubōmbága, Umwene āfimbilisigwága ukutendeka uku—uku pepekelana panongwa ya mbībi. O, linga uswe tubagīle, uswe tukulonda ukufika ku kyene, itolo amanandi manini pāsi apa. Umwene ābīkīle-ngānila uswe ku Būmi Bwasyēpwa, amenye ukuti bāla aba bikubīkága kulubafu filifyosa, kangī kali mūmo ikyene kikuboneka kisitakukindana ku bāna ba kīsu, ikyene kikusanusyaga ikindu kimo ku bēne, panongwa yakuti abene bāli bana ba Kyala. Kangi Umwene ābakōlīle abene.

⁵⁵ Kangi Umwene ālintumīle Yeso, ukuti i Lilopa Lyāke lyābagīle ukuya luhombo, luhombo lwa Lilopa, ukutendeka u kupepeka, pamo i—i nyitikisyo, pamo ukusuka. Ulubātiko lwa kusuka ukuti kingikingi. . . Komma itolo akabalilo kamokene pa lusasano, lōli “ukuya būmi bwila, ukupela ukwimila-pakati,” ukuti u Nkristi ukūmilisya ukuya mwelu pamusi na pakilo. Lilipo i Lilopa Iya Yeso Kristi ili likutendeka u—u lwitikisyo pa kipingika pala, pa. . . mu Kuyapo kwa Kyala, ili likutusuka uswe kingikingi, pamusi na pakilo, ukufuma ku butulwanongwa bōsa. Kangi uswe nubuponesyo tufīsīgwe nkati. Tufīsīgwe nkati bulebule? Nu Mbepo Mwikemo, ukubuka mu Mbili gwa Ntwa Yeso, kangī ukuponesigwa. “Umwene uyu ikupilika a Masyu Gangu kangī nukummwitika Umwene uyu ālindumīle Une, ali nu Bumi bwa bwilanabwila kangī atisakwisamo mu bulongi siku, loli akilenie ukufuma ku bufwe ukubuka ku Bumi.” Ubulongi kangī mma! U Nkristi atikubūkāmo siku ku bulongi. Kristi ābukīle mbuyo bwa umwene. Unjobelanongwa gwāngu ālīmīle mbuyo bwāngu. Umwene apepekile inongwa yāngu, ukuti une ngāmēnye. Umwene ālimbūlīle Tāta ukuti une ngāli gwakufwana, ukuti une ngāmēnye. Lōli Umwene ālinganīle une kangu Umwene ālyegīle ubuyo bwāngu, kangī āpepekīle inongwa yāngu, kangī umwisyūgu une ndi mwābwūke! Ena, nkulumba. Kangi Umwene ālyonīle i Lilopa Lyāke, ukupa pala panongwa ya mbībi.

⁵⁶ Kumbukilaga i Kitatu iki kyākindaga nkilo, nayumo u Nkristi. . . u Nkristi ikonanga, lōli untulwanongwa akabagila ukonanga. Untulwanongwa atikōnānga mma, panongwa yakuti umwene yo ntulwanongwa. Umwene yo ntulwanongwa pabwandilo itolo, kangī ikyo kyo kyōsa. Apa, ega i—kunyuma kwa būku ili, ilyēne lyo lititu, bo bulinga ubutitu bwa ikyo bo butītu? Ilyene lyo mosa lititu. Bukayapo itolo nu bwēlu ku kyēne, ikyēne kyo kitītu. Ugwe kuyoba, “Ubwingi *ubu* apa.” Umma, ikyēne kikaya, ikindu kyōsa kitītu. Ikyēne kyo kyōsa kitītu. Umo momumo untulwanongwa ayīlile. Umwene yo itolo atāgīgwe nukwanda itolo. Ena, ugwe kuyoba, “Bule linga umwene ikusulwa ukubōmba ubulogwe? Bule linga umwene ikunyāfulānia unkīkūlu yumo? Bule linga umwene—bule linga umwene ikulagusa? Bule linga umwene ikutusulila umundu yumo?” Iyo yo yikaya mbombo yītu. Iyo yo yikaya mbombo

yītu, uswe tuli ni ndagilo pāsi apa ukupakisya ikyo. Uswe tukaya batendekesi, uswe twe balumbilili ba Nongwainunu. Uswe tutikuntobesya umwene panongwa ya iki umwene abōmbīle, uswe tutikuntobesya umwene panongwa ya kubōmba ubulongwe. Uswe tukuntobesya umwene panongwa yakuti umwene yo ntulwanongwa! Linga umwene yo Nkristi, umwene āngáli akabōmba ikyēne. Uko ko kutalusya. Linga umwene asanusigwe, umwene atisakubōmba ikyo. Lōli panongwa yakuti umwene yo ntulwanongwa, ikyo kyo iki kikumpela umwene ukubōmba ikyo.

⁵⁷ Apo po pāpo ikylene kikukōng'onda i—i fyakwīkitikīla ukufuma palwālo lwa balulagilo. Ena, nkulumba. Nkundwe, unko une ngubūle ugwe, “Ikyene kikaya mu mbombo, lōli mu lipyana tupokīgwe uswe, kangi ikyo mu lwītiko.” Ena, nkulumba. Lilino, une ndisakubatāga abakundwe abāndagilo, abēne bo bakundwe bāngu. Kangi abēne bisakuyaga kula itolo mūmo aligwesa gwa bōsa ba bēne bisakuyaga kula, 'nongwa yakuti Kyāla asūngulīle-ngānīla i Kipanga Kyāke ukuya kula. Lōli ikylene ki kindu, ugwe—ugwe kūmilīsyā abāndu ukuswanyukana mosa fiyo, abēne batikumanya fiki. “Umwisyugu, ena, lumo linga une—une. . .” Itolo baleka abēne bamanye; akabalilo kōsa abēne bali ni njala ya kīsu, abēne bakaya kula nukwānda itolo.

⁵⁸ Une ndikwītūgāsya gwabwanaloli ku nkasi gwāngu panongwa yakuti une ngwīnogōna umwene ikunsōsyaga une. Une ngwitūgāsya gwabwanaloli ku nkasi gwāngu panongwa yakuti une nungānīle umwene. Ubwene bo buyo bwa lulagilo ulu uswe twēgīle, ukuti uswe tugānéne yumo nu nnine. Ikyākwānda, bo ikyēne kyābagīle ukuya pala, ikyēne kyāfimbilisigwāga ukuya lugāno. Une nungānīle umwene. Palema nalinga une ngwitika linga une mbōmbīle kimo ikisōbi, umwene abagīle ukunhobokela une, pōpe une ngābagīle ukubōmba ikylene mulimosa. Une nungānīle umwēne.

⁵⁹ Iyo yo njila iyi ikyēne kiyilile na Kristi. Linga une—linga une ngwitūgāsya. . . Une ndi malongo mahano, linga une nguya mūmi ukuya malongo mahano-na-mana pamo mia yumo, ndinafyo ifyinja malongo-mahano ukulūmbilila, kangi une siku ukulūmbilila pa kabalilo, ukubūka pāsi nu kwītūgāsya pa kisōko, une mbokīgwe mulimosa. Kyāla ālimbokile une ni lipyana Lyāke, kisita-mfikapo ugwa kalikosa une nābagilemo siku ukubōmba, nābombīle, pamo kalikosa akangi. Une ngulūmbilila panongwa yakuti une nungānīle Umwene kangi une mbaganīle abāndu Bāke. Kangi iyo yo nongwa une mmenye ukuti une ngīndīle ukufuma ku bufwe ukubuka ku Būmi, panongwa yakuti une mbaganīle abēne kangi une ngubūka ukubakōnga abēne. Kisita kupasya u luko lwa bwitugasye abēne balimo, une ngubūka ukubakōnga abēne mulimosa. Būka kabēge abēne mulimōsa, bakwāba abēne mulimōsa.

Linga abalũmbilili bikulwana kang'i abāngi bikulwana, kang'i ifipanga-fipāgũke fikulwana, ikyo kitikunyimika une. Kilipo ikindukimo! Ikyene kikālimwĩmĩke Umwene! Umwene alinkwisa mulamula nkati mwa kusitakwitika, kang'i ikyene kikālimmwĩmĩke Umwene, Umwene alinkwenda mulamula nkyeni mulimōsa. Ikyo kyo iki uswe tukubōmba, ukubũka panja nukubēga abēne, ukubakōla abēne mulimōsa. Kisita kupasya, fikila, kamata, kolelela na maka gāko gōsa. Ugwe ukamanya iki abēne bāli. Bapoka abēne. Ikyo kyo panongwa ya lugāno. Komma panongwa yakuti "Une ngufimbilisigwa," lōli panongwa yakuti une ngugāna, panongwa yakuti ugwe kugāna.

⁶⁰ Yoba, "Une mbagile ukubũka ukunosya kila nu nkikũlu yula, lōli, une ngukubũla ugwe lululu ulu, une ngusakikisya 'nongwa yakuti une ngubuka ku kipanga une ngulondigwa ukunosya ikyene." Umma, ugwe gwe yũyo uyu ikufimbilisigwa ukuya kanunu, tāsī. Muketile? Muketile? Linga ugwe ukaya nu lugāno lwa Kyāla mu ndumbula yāko, ikindukimo pamo ikingi kikupela ugwe ukumanya ukuti ugwe uli nsōbi, polelo ugwe bũka—polelo ugwe bũka kanosye ikyēne na Kyāla. Polelo ugwe kwisanosyāga ikyēne nu mpalamani gwāko.

⁶¹ Yeso āmanyĩsye ikindu kilakila. Umwene alinkuti, "Linga ugwe kwisa ku kigēmo, kang'i kalipo a . . . kukumbukila kalipo akandu kamo akakulwana nu mpalamani pamo u nkundwe, buka kanosye ikyene nu mwēne, tāsī."

⁶² Lilino, lilino mu ngulilo isi sikwisāga. Uswe twāli Pakitatu nkilo, "ukubonekela pabwēlu." Uswe tukikolaga ikyēne ulubunju ulu, mu "kubonekela pabwēlu kwa banabalumiāna ba Kyāla." Mu lisyu ilingi, Kyāla ikugũlĩla. Kang'i polelo ku bumalikisyo bwa kabalilo akabalilo kāko uswe tukwĩma pankyeni pa Mwēne. Abāndũmi bakāyōngile mma. Abēne batisakumanya akikyēlėlo ka sayo mũmo uswe tukubōmbėla, abēne bakāyōngilemo siku. Lōli une mmenye kũko une mfumĩle, une mmenye ĩbwe kũko une nābũtiligwėko, u ntulwanongwa. Umwe mumenye kũko umwe mwābũtiligweko. Lilino akabalilo kako uswe twāgĩgwe, polelo uswe tubagile ukwima pankyeni pa Kyala. O, lyo lisiku nki lila lisakuyaga!

⁶³ Polelo bufwĩkĩgwe, ukubĩka pabuyo. Lilino, Kyala ikubōmba iki pa mbombo. Kang'i lilino linga une mbagile ukutwala iki kwa umwe, polelo uswe tukwandaga itolo lilino pa linandi lya 5, une ngulonda ukubala Ilyēne.

Buno atusũngulile-ngāni uswe ku bufwĩkĩgwe bwa bāna mwa Yeso Kristi ku mwene, ukufwana nu Bwāke Mwēne ubwĩkyėle ubununu ubwa bwĩgāne bwāke,

⁶⁴ Ubwene bo bwĩkyėle bwa Kyāla ukubōmba ubwĩgane Bwāke, ukufwĩka, ukubĩka pabuyo. Lilino ngimba fiki Umwene ikubōmba? Ikibĩka pabuyo i Kipanga Kyāke. Ikyākwānda, Umwene ikukōlėla ikipanga Kyāke, Methodisti, Presbeteri,

Luteri, Baptisti, ukubakōléla abēne. Polelo ngimba ābōmbīle fiki Umwene? Ukutuma panja Mbepo Mwikemo kangu ukubapa abēne u lōsyu lwa Mbepo Mwikemo.

⁶⁵ Une ngulonda umwe bandu ba kiPentekosti ukwega iki panja pa ndumbula syīnu. Pentekosti yikaya kipanga-kipāgūke; pentekosti yo bwendelemo. Ikyene yo Mbepo Mwikemo. Ikyene kikaya kipanganio. Ugwe ukābagīle ukupanganio u Mbepo Mwikemo. Umwene akabagila ukwima kuli ikyene. Lilino umwe muli nakyo ikipanganio iki umwe mukukikōléla ikyo, lōli Mbepo Mwikemo ikwenda palapala ukusōkamo nukubaleka umwe mwitūgésye palapala pāpo umwe mulipo, kangu ikukīndilīla nkyeni. Muketala? Pentekosti yikaya kipanganio; pentekosti yo bwendelemo.

⁶⁶ Kangu polelo Kyāla ābapēle abāna Bāke u Bupāpīgwe ubupya, mwa lōsyu lwa Mbepo Mwikemo. Abēne bālisile palapala kifuki Ikyene akabalilo kāko abēne balisukile bēne mosa, ukwisila mu Nazarene, Pilgrim Holiness. Polelo kwisa mu bwendelemo bwa pentekosti, pamo u lōsyu lwa Mbepo Mwikemo, ukupyanikisya kwa fikungilwa. Abēne balinkusōka panja ukuyoba mu ndimi nukusanusya indimi, nukupīgwa ifikungilwa fya bubumbulusyo ni fika, kangu ifimanyilo ni fiswigo fikwānda ukubakōnga abēne. Lilino abēne bo bāna, abēne bo bāna ba Kyāla. Abēne balinubuyo mwa Kristi. Abēne bikwisa ukuya bāna ukwisila mu Bupāpīgwe. Kangu u Bupāpīgwe ubupya nu lupinduko Lwēne yo Mbepo Mwikemo.

⁶⁷ Ugwe ukaya nukuya mpinduke mpaka ugwe kummwaga Mbepo Mwikemo. Ikyo kyo iki i Lisimbo likuyoba. Yeso ālīmbulīle Peteri, ndālūsya aligwesa, bala i Lisimbo lyāko, umwene agolosigwe mukwisila mu kwitika pa Ntwa Yeso, ukuya nkongī, u ntumigwa. Yeso ālīmpēle umwene ifungulo ku Kitangalala. Kangu Yohani 17:17, Umwene alinkukemesya abēne, ukubapa abēne a maka, ukubatuma abēne panja, ukukāga imisyētāno ni findu, ukubakēmésya abēne. “Bakēmésyāga abēne, Tāta, ukwisila mu Bwanalōli Bwāko. I Lisyu Lyāko lyo Bwanalōli. Une ngwikēmésya Nīmwēne panongwa ya bēne.”

⁶⁸ Ikyo kyo limo lya masyu manyafu ukukinda aga une mbilikemo siku. “Tāta, Une ngwikēmésya Nīmwēne panongwa yābo.” Ngimba umwe mumenye Umwene āli nu bwābūke ukuya na kāya? Umwene āli mūndu. Umwe mumenye nongwa yafiki Umwene āli nu bwābūke ukuya nu nkāsi? Umwene āli Nnyāmbāla. Umwene āli nu bwābūke ku fyosa ifindu ifi, lōli Umwene alinkuti, “Tāta, Une ngwikēmésya Nīmwēne panongwa ya bēne. Une ngwikēmésya Nīmwēne.”

⁶⁹ Une nāyobīle ku ndūmbilīli unnini mmayolo, une nguyaga pakundumbilīla umwene mu kilo inandi pamwanya apa pa nsebwe-nkulumba. Kangu une nālīndālūsīsyē umwene ukufwana

ikindu kimo, umwene alinkuti, “Ena, Nkundwe Branham, lōli bingi ba bāndu bāngu batikwitika mu ikyo.”

Une ndinkuti, “Kifuki bōsa ba bēne bo bandagilo?”

⁷⁰ “Ena.” Nkundwe atikwitika ikyo. “Lōli,” umwene alinkuti, “panongwa yābo!” O, une nalōndága ukufugatila ilikosi lyāke. “Panongwa yābo, muketile, une ngwikēmésya nīmwéne panongwa yābo.”

⁷¹ O, Yeso āmanyisyága abanyambala kalongo-na-mabili, ukuti ukwisila kalongo-na-babili bala bo bali bākwéga i Nongwainunu ku kisu kyapāsi. Kangi Umwene alinkuti, “Panongwa yābo une ngwikēmésya Nīmwéne.” Ipela gwīmwéne panongwa ya mpalamani gwāko, panongwa ya munduyumo uyungi. “Komma ukubōmbéla imbombo ubwābūke bwāko ukuya kyakufwala,” alinkuti Pauli, “lōli ikemésya gwīmwéne!” Gwikolége gwīmwéne mbupalamani, ngati Nkristi ugwanaloli abagile ukuya. Unko ukuyobesania kwīnu kuyege, linga ugwe kwagana nu ndugu, ikemésyága gwīmwéne panongwa yāke, kisita kumanya iki ugwe ubagile ukubōmba.

⁷² Lilino ukubīka pabuyo u mwanundumiana. Ikindu kyākwanáda ukufuma pāpo u mwanundumiana āli mula, umwene āfikilepo ukuya mwanundumiana, lōli polelo uswe tukusyagania ulwiho lwāke lo ulu lwāmbíkága umwene ku bufwíkigwe, kali umwene itugasyaga kanunu pamo mma.

⁷³ Kangi ikyēne kyo ki—ki pentekosto. . . Lilino unko une itolo mbanāngisye umwe ukuti Pentekosti akaya kipanga-kipāgūke. Balinga baBaptisti muno aba bāli baBaptisti, aba bālyāmbilīle Mbepo Mwikemo, unko uswe tukete ifiboko fyīnu. Muketile? Balinga baMethodisti aba bali muno aba bālyāmbilīle Mbepo Mwikemo, fyusya mmwanya ifiboko fyīnu. Balinga baNazarene muno bālyāmbilīle Mbepo Mwikemo? Fyusya mmwanya ifiboko fyīnu. Presbeteri, bālyāmbilīle Mbepo Mwikemo. Muketile? Luteri. Ifipanga-fipāgūke ifingi, aba bakālimo mu Pentekosti napanandi, itolo bāli nkipanga-kipāgūke kimo, bālyāmbilīle Mbepo Mwikemo, unko uswe tukete ikiboko kyako. Muketile? Popāpo polelo Pentekosti yikaya kipanga-kipāgūke, ikylene kyo bwendelemo.

⁷⁴ Lilino Kyāla ākwégile ugwe mu Mbili gwa Kristi (Lilino ngimba Umwene ikubōmba fiki?) ukufuma pāpo ugwe gwisisimikisye gwīmwéne, gwikemēsísye gwīmwéne nu lwiho lwāko ulununu, ukupilikila kwa Mbepo Mwikemo, kisita kupasya iki ikisu kikuyoba.

⁷⁵ Une—une nguyaga pakugūsa iki naloliloli nubukafu, muketile, panongwa yakuti. . . Une ndikusanusya ikylene ukuya kyāmatingo. Une—une. . . nalamba komma—komma—komma naloliloli, muketile. Komma naloliloli ukwinogona ukuti une ne—une ne mbibi. Une—une ndikulonda ukuya. Iki kikungatasya

une, kyo kwegwa abāndu nukulūmbilīla ku bēne u Bwanaloli ubutumigwe-na-Kyāla ubu, kangi abēne bisakusanukilaga kulakula kunyumba ukusyungutila kangi itolo ukukindilīla nkyeni ukubōmba ikindu kilakila, kangi ukuyoba abēne bali na Mbepo Mwikemo. Ikyo itolo kikukubongotola ugwe, muketile. Ngimba fiki fitamisye? Abene bikwisa ukugomokela ku kindu kilakila, itolo bo bana ba Israeli, abēne bālonḁāga u mwalafyāle popāpo u mwalafyāle uyu ābagīle ukulagila pamwanya pa bēne nukupela bēne ukubōmbēla bo baAmori na baAmaleki na baFilisti.

⁷⁶ Ngimba umwe mumenye, bakīkūlu, ukuti ikyene kyo kusoba ukufwāla isulubali? Ngimba umwe mumenye ikyo? Ngimba umwe mumenye ikyēne kyo kusoba ukutumulako imbulunge sya nywili syinu? Ngimba umwe mumenye ikyene kyo kusoba, nnyambala, kwa ugwe ukukindilīla ukukwesa nukubōmbēla mūmo ugwe kubōmbēla? Ngimba ugwe umenye ikyene kyo kusoba kwa ugwe ukusita kuya ndume gwa nyumba yāko, unkasigo ukwegwa ilyoyo panandi nukukagila ugwe panja pakifigo kangi ugwe kuyoba, “Ena, saya indumbula yāko, lūki, une ngwisaga ukugomokela”? Ngimba ugwe umenye ugwe. . . Ngimba ugwe ubagīle ukuya gwakupakisya ku Nyumba ya Kyāla akabalilo kāko ugwe ukabagīla nukulagila inyumba yāko yene? Ikyo kyo katikati kutalusya. Ngimba ugwe umenye, kalumbu, ukuti undumego akaya itolo ndumego, lōli umwene yo ndagili gwāko? Kyāla āyobīle lulo. Panongwa yakuti u ndumego akāsyōbīgwe, u nkīkūlu āsyōbīgwe. Kangi umwe balūmbilīli mwisakukindilīlāga ukutendeka abatimi na balumbilili bakikikulu mfipanga fyīnu, mumemye ukuti i Lisyu lya Kyāla likupīka ikyene.

⁷⁷ Umwe mwisakumilisyaga ukubōmbēla i ngamu “Tāta, Mwanundumiana na Mbepo Mwikemo” ukōsya, akabalilo kāko kakayapo na kapatu kamokene ka Lisimbo kuli akene mwi Bāngēli. Une ngulonda u bishopunkulumba pamo umunduyumo ukunsosolela une pāpo aligwesa mu i Bāngēli alyōsigwēmo siku mu ngamu ya “Tāta, Mwanundumiana, Mbepo Mwikemo.” Une ngulonda umunduyumo ukunsosola une aligwesa alyosigwemo siku mu njila yilyiyosa palubafu i Ngamu ya Yeso. Lōli ulwa Yohani lukāli. . .kōsigwa, abēne bālyōsigwe ukwitika ukuti Umwene isaga, lōli abēne bakāmēnye Umwene āli yo ywani. Lōli bo abēne bākūyāgēnie ikyo, abēne bafimbilisigwe ukwisa nukuya bosīgwa-kabili mu Ngamu ya Yeso Kristi. Une ngulonda umunduyumo uku. . . Une—une mbalālūsīye aba Assemblies of God, abalumbilili abangi, aba Baptisti, Presbeteri, na filifyosa. Abene batisa—abene batisa kuyoba isya ikyene mma. Une ngulonda ukukēta i Lisimbo.

⁷⁸ Kangi polelo une ne “mulisi,” huu, polelo une “nsyutamo,” unsitaminogona gāngu, une ne “gwākigili,” itolo panongwa yakuti une ngugela ukubabūla umwe u Bwanalōli? Lilino,

ubu bo—ubo bo bwanaloli-ndumbula, bakundwe. Linga u mündu agulisígwe panja panongwa ya Kyála, ugwe gwályúlisye ikifungilo, ubwálwa, ni lipípa. Ugwe—ugwe—ugwe—ugwe gwe—ugwe gwe ubíkigwe palubafu, ugwe gwe—ugwe gwe kipeligwa ikikíndáne.

⁷⁹ Bingi bikukólelígwa, banandi bikusalígwa. Ena, abāndu bīngi bikukólelígwa, ugwe kubwāga ubukólelígwa mu ndumbula yāko, “Ena, une ngwitika Kyála anganíle une. Une gwitika Umwene ikubōmba ikyēne.”

⁸⁰ Lōli, nkundwe, ikyo, ugwe kuyaga pakuya njōnge kubutali bo bōsa abēne, panongwa yakuti abēne bisakwisa kula mu lisiku lila, pópe nukuti, “Ntwa, une ngāgíle imisyētáno mu Ngamu Yāko. Une mbōmbíle kilikyosa ikingi mu Ngamu Yāko. Une nāli ni ngomano syabubumbulusyo. Une ndūmbilíle i Nongwainunu. Une ngagíle panja imisyētáno.”

⁸¹ Kangi Yeso ikuyoba, “Sōkapo ukufuma apa, Une ngakumanya nukumanya ugwe, gwensyōbi. Ikyene yo umwene yyu ikubōmba u bwígāne bwa Tāta Gwāngu!” Nongwa ya fiki abāndu bakabagíla ukukibona ikyene? Lilino, une mmenye ikyo kikugūsa. Kangi une ndiku—une ndikusanusya ikyēne ukufulasya, une ndikusanusya ikyēne ukuya i njila iyo. Lōli, nkundwe, une—une . . .

⁸² Kikuboneka kwa une ngati uswe tuli—uswe tuli ku bumalikisyo bwa kabalilo, kangi Kyála ikufwíka, ukubíka pabuyo pamwene-pamwene mu Kipanga, mu Mbili gwa Kristi, Gwāke. Lilino, batisakuyapo bīngi fiyo mmaUmwene abikile nkati mule, une ngubabúlāga umwe ikyo kukubwandilo itolo. Ugwe kuyoba, “O, ena, kwisakuyako i mbalilo ingulumba fiyo!” Lōli Umwene āli ni fyinja maelifu ntāndātu ukubakwāba abēne panja, bópe. Kumbukilaga, ubusyūke bukwisa kangi uswe tukunyakiligwa na bēne. Itolo banandi ba abēne, muketile. Ugwe londesya mōsa ubupokigwe bwāko, nakalinga. Ikētésya gwīmwéne mōsa nukukēta iki kibūkíle mbusóbi. Muketile? Kēta itolo—itolo iki kyo kitamísye. Une mmenye ikyo kyo—ikyo kyo kikafu, lōli, nkundwe, ikyēne kyo Bwanaloli. Ubwene bo Bwanaloli bwa Kyála. Ubufwíkigwe!

⁸³ Uswe tubagíle ukuya fiyo pa moto panongwa ya Kyála, uswe tubagíle ukubūka pamusi na pakilo. Nakimo kibagíle ukuti kitwímikége uswe, kangi uswe tubagile ukuya fiyo banyafu kangi fiyo banoge, kangi fiyo bākisa kangi fiyo bo-Kristi mbūmi bwítu. Ikyēne kikwegela u būmi bwa lisiku lililyōsa. Yeso alinkuti, “Inogona isya kigála kya mungunda, mūmo ikyēne kikukulíla, ukutamigwa nukuniongotoka; lōli une nguyoba kwa umwe ukuti Solomoni mu lwīmíko lwāke lōsa akaya mfwíkigwe bo kimokyene.” Solomoni āli ni misekekesye igi gwabambikígwe ni halili ni mbombo ya kasonelo ni findu, lōli ikyo—ikyo kika . . . ikyo kikáli iki Umwene āyobelāga. Ukuti ikigála kikule,

ikyene kikufimbilisígwa ukusukulika pamusi na pakilo. Ngimba ugwe kwisila fiki pamwanya kunyuma apa pa bumalíkisyo ubunini bwa lukindi? Linga abagolofu bo bikupokigwaga kifuki ukutágigwa, ngimba ali pōki untulwanongwa, uyo yo nsitakwitika, kangí unsitakyala, u nnyāmbála uyu ikupilika i Lisyu, ikukāna ukwēnda mu Lyēne...? Lilino ngimba uswe tukubombaga bulebule? Muketile? Lilino ikyo . . .

⁸⁴ Iki kyo, lilino, iki kyo kipanga kyītu. Uswe tulinabo lumo bana pamo bahano abahesya pakati pītu. Lōli iki kyo kipanga, une ngubamanyisya umwe. Iki kikubūka pa matepi. Une ngulonda abāndu aba bikupilikisya amatepi, kumbukilaga, iki kyo ku kipanga kyāngu. Panja pakati pa bāndu panja ukukilania, gela ukuya nnyambala umololo ukufwana ukubabūla abēne ikyo, mu luko lwa kusyala mula kūko tubagīle ukubapapa panyuma mula mu tufundo twābo utunini utunandi utwālupyu. Lōli akabalilo kāko ikyēne kikwīsa ku kwāla naloliloli u Bwanaloli pāsī, unko uswe twāle Ilyēne pāsī.

⁸⁵ Ubufwīkígwe, ukubīka pabuyo pamwene-pamwene! Abēne bali kugu? Nāngísya une pāpo abēne balipo. Kyāla ikukōléla abāna Bāke palubafu ukwisila mu kubonekela. Abene batikufimbilisígwa ukuyoba i lisyu limolyene isya ikyēne, ugwe kukēta ikindikimo kibonīke. Pamwene-pamwene ukubīka pabuyo umwanundumiana Gwāke, ukuntwala umwene ndubātiko itolo katikati ni findu filafila. Umwene—umwene yo itolo mu maka mīngi, ilisyu lyāke itolo ukuya linunu bo lya Gwāndūmi-nkulumba, linunupo. U mwanundumiana āfwīkígwe, ābīkígwe pa buyo ubufyūke, ukubīkígwa panja pala, āsanusīsye unselekesye gwāke, āsanusīsye i langi syāke. Ugwīse āli nu lusekelo, alinkuti, “Uyu yo mwanundumiana gwāngu, ukufuma mwisyūgu umwene yo nkyungi. Umwene yo ndagili. Umwene yo ali pamwanya pa kilingo kyāngu. Fyōsa ifi une ndinafyo fyāke.” Uko ko kotalusya. Polelo uswe tukubūka ukugomokela kulakula, Elah, Elah, Elohim, Elohim, muketile, kūko Umwene yo njapo-mwēne. Kangi polelo ukugomoka ukwisila Yehova Yūyo āpelīle ikindikimo, Umwene ālīmpéle u mūndu ubulagili pa kīsu. Ngimba uswe tukugūlīla fiki? Ifya kubonekela. Ikīsu kikukoloma. Unko uswe twīse pāsī ku kyēne nukubala ikyēne. Umma ndaga.

*. . . atusūngulīle ngāni . . . ku bufwīkígwe bwa bāna
ku . . . mwene, ukufwana nu Bwāke ubwīkyéle ubununu
ubwa bwīgāne bwāke,*

*Ku lutu- . . . ku lutufyo lwa lwīmīko lwa lipyāna
lyāke, . . .*

⁸⁶ Ngimba i lipyāna Lyāke lyo fiki? Kunyuma kubwandilo, akabalilo kāko Umwene ākālī ali Tāta; Ilipyāna Lyāke, ulugāno Lwāke, ālīpelīle Mwene mwāna, ukuti uswe twābagīle

ukusunguligwa-ngāni ku bufwīkigwe bwa bāna, ku lutufyo lwa lipyāna Lyāke. Muketile?

...*mūmo umwene* abōmbīle *atutēndike uswe*
bītikisigwe nu *u—u* (u Mundu) *ungānigwa*, uyu yo
Kristi.

87 Atutēndike uswe bītikisigwe bulebule? Nu Mwene. Bulebule uswe tukwisa mwa Umwene? Nu Mbepo yumoywene, bosa bōsigwe mwa Umwene. Pilikisya.

Mwa yūyo uswe tulinako ukutabuligwa, uswe tuli nu
lutabulo ukwisila (i) *lilopa lyāke, ubuswe bwa m-b-ī-b-*
i...

88 Ngimba ugwe kulūmbililaga bulebule ubusunguligwe-ngāni, isya Kyāla ukusungulila ngāni nukubīka, pene pāpo kulipo ukuhōmba ubutulwanongwa pabuyo pamo? Nongwa ya fiki ikyēne kili? Ilisiku lililyosa ugwe kutendeka ulukilanio, ilisiku lililyosa ugwe kubomba ubusōbi. Lōli linga ugwe upāpigwe kangi, nnyāmbāla pamo nkīkūlu, akabalilo kāko ugwe kutendeka ulukilanio, Kyāla amenye ugwe usulumēnie panongwa ya lwēne. Ugwe gwābagīle ukwima mu kuyapo kwa—kwa Pulezidenti Roosevelt pamo aligwesa uyingi, nukuyoba, “Une ne nsōbi, Kyāla nswaga une panongwa ya kindu iki.” Nongwa ya fiki? Kangi po kulipo u kuhomba kwa Lilopa. . .

89 Umwe mukukētēsa kila “m-b-ī-b-i.” Untulwanongwa yo ntulwanongwa, umwene atikubōmba i mbībi. Lōli ikipanga kikusulwa i mbībi, kikubōmba ubusōbi, kikuya na minogono amasōbi, ukupilikisya ukusōbi, kikutendeka ingilanio, kikupepeluka ngati mwāna unnini ikwenda, ukugela ukumanyila ukwenda. Umwene itolo akamanya akēndēlo kanunu tāsī, panongwa yakuti umwene yo ndumiana unnini. Lōli uswe tuli ni Kiboko iki kikufikila pāsī linga uswe. . . kikutukōla uswe nukututoteka uswe, nukuti, “Tendeka ilikato ili injila *iyi*, mwanundumiana.” Umwene atikutupimba uswe mmwanya nukutupamanda uswe panongwa yakuti uswe tubōmbīle ulukilanio, Umwene atikutukoma uswe mpaka ku bufwe panongwa yakuti uswe tukugela ukwenda. Umwene atuganīle uswe bo mūmo uswe tukugāna abāna bītu.

90 Ugwanaloli, u bāba gwabwanaloli akabagīla ukukoma u mwāna akabalilo kāko umwene ikugela ukwenda, linga umwene ikugwa pāsī pa kipālo. Ikuffkīla palapala pāsī ni kiboko ikyāmaka ikinywamu nukumpimba umwene mmwanya, ukwega amaboko mabili ukunkola umwene, ukuyoba, “Iyi yo njila ugwe kubōmba ikyene, mwanundumiana. Endega *buno*.”

91 Iyo yo njila iyi Kyala ikubōmbēla Ikipanga Kyake! Ikufikila pāsī nukummwega umwene nkiboko Kyāke, ikumpimba umwene mmwanya nukuti, “Endaga bo *ulu*, mwanundumiana. Apa, komma—komma—komma ukuyoba ikyēne bo lula, yobaga

ikyene bo *Iki*. Lilino, une ndikupāsyā iki ikipanga kikuyoba, iki *iki* kikuyoba, iki *kila* kikuyoba, ugwe kuyobaga ikyēne bo *Iki*. Bo *Iki*, iki kyo Ikyēne! Līnga i Lisyu Lyāngu likulūmbilīla Ikyēne, ugwe itugasya palapala ni Lyēne, endaga ni Lyēne. Itugasya palapala ni Lyēne. Komma ukupāsyā iki aligwesa uyungī ikuyoba, itugasya palapala ni Lyēne. Endaga bo *Iki*. Iyi yo njila ugwe kutendeka amakato gāko.”

⁹² Imbībi syītu; ulugāno lwa luhombo panongwa ya mbībi syītu, kisita iki uswe āngali tukayamo siku nu lusako. Mumo uswe tubagile itolo ikwītotekéla pa Masyu gala!

. . . ukufwana nu bukabi bwa lipyāna lyāke;

Mūla mo umwene—umwene abēle . . .

⁹³ Ngimba kyo fiki “abēle”? O, mwe! Kūko Umwene *abēle*, “ifilundiko fya ikyēne.”

. . . *umwene* abōmbīle *abēle* kuli *uswe mu mahala gōsa nu bumang’anyi*;

⁹⁴ “Ubumang’anyi, amahala gōsa Umwene alūndīke kuli uswe.” Na “mahala,” gōsa komma agankīsu. Amahala ga nkīsu bo butoyofu ku Mwēne, kangī u mahala ga Kyāla bo butoyofu ku kīsu. Itolo bo pamusi na pakilo, kimo kikabagīla ukwitikisania ni kinine. Lōli akabalilo kāko ilisuba likwānda ukufyuka kangī pamusi pakwisa, ikilo kikubalanila ukufuma pa buyo ukubuka ku buyo. Kangī akabalilo kāko u Bwēlu bwa Nongwainunu bukwānda ukwingila nkati, ifindu fyōsa ifya nkīsu fikwānda itolo ukusima mōsa. Kangī ngimba ikyene kikubōmba fiki? Umwene ikulūndīka u Bwelubwalisuba pa bāna Bāke, ukwēnda mwa Mbepo, ukulongosigwa nu Mbepo gwa Kyāla, ukulundikigwa mu lipyāna Lyāke, na bumang’anyi na mahala gōsa, ukupilikisya, nu bukumu ukumanya akēndēlo. Ugwe kukibona ikyene kisōbi, polelo gwāndēge iki ugwe kubombāga, mūmo ugwe. . . Līnga ikyene kisōbi, gwāndēge na mūmo ugwe kusegelēla ku kyēne. Gwābumang’anyi! Yaga fīyo kifuki, naloliloli ukusisimikisya ukuti ugwe umenye akīsīlo ku kyēne. Nkomu bo njoka, mololo bo ngungubiya. Ikyo kyo iki Yeso āyobīle.

⁹⁵ O, utu to tunyafu, bīnangu! Uswe tubagile itolo ukusyala ukukindilila ilisiku ukufuma pa lisiku. Ngimba utwene tukaya tununu? Ubumang’anyi, amahala, Umwene alundikīle kuli uswe, ukonelēla panja! Komma ukutupa uswe pa supuni, lōli ālyēgīle i fosholo iyakukupulila inywāmu kangī itolo ukūmilīsyā ukusōpa ikyēne bo lula. Alūndīke kuli uswe, amahala nu bumang’anyi bwa lipyāna Lyāke! O, ilipyana iliswigīsyē, akogo akanyafu bule!

Lilino, mūla umwene abōmbīle alūndīke kuli uswe mu mahala gōsa . . . ubumang’anyi;

Namanga afumwīsyē kuli uswe ikyakubutītu kya bwigāne bwāke, . . .

⁹⁶ Ywani uyu Umwene ikuyobako? Fipanga-fipāgūke? Nalamba, bakūndwe bāngu, komma ukwinogona une ngubika pāsi ikipanga-kipāgūke kyīnu, une ndikubōmba mma. Une ngugela ukubabula umwe ikyēne kyāli kindu kisóbi nukwanda itolo. Yeso āyobīle, “Būka kalūmbilīle i Nongwainunu,” uswe twābūkīle nukutendeka ifipanga-fipāgūke. Iyo yo nongwa uswe tukaya nakyo Ikyēne, uswe tukukōngésya a mahala ga mūndu. Linga Calvin ābagīle ukusyuka!

⁹⁷ Fiki, une nālīmīle pakaya patali mma pa lubafu lwa lipumba lya nnyāmbāla unkulumba, untendekesi unkulumba. Kangi une ndinkwīnogōna, “Yo nnyāmbāla unkulumba muki umwene āli!” Umwe āli! Ena, ikyēne. . . Une ndisa. . . Ikyēne āli John Wesley. Kangi une ndinkwīnogōna, “Linga John Wesley ābagīle ukusyuka ukufuma mu lipūmba lyāke umwisyugu nukukēta akayīlo ka kipanga kyāke, umwene abagīle ukuya gwasoni panongwa ya ngamu yāke!” John Wesley āli nnyāmbāla gwabunyakyala, ikikoka kya moto ikinyakiligwe, mūmo umwene akikōlelāga ikyene. John Wesley āli nnyāmbāla umwikemo uyu itikāga mwa Kyāla, nu kwenda likato pa likato ukunkōnga Umwene. Lōli ukufuma pāpo John āfwīle, abēne balinkuti, “Uswe tukupelaga ikipanga kwa John polelo uswe twisa kuyaga ni kipanga, kangi uswe twisakukikōlelāga ikyēne kipanga kya Methodistī panongwa yakuti injila yāke ya kukemesīgwa ukuya mbombo yakibili ya lipyāna.”

⁹⁸ Polelo abēne balinkupela i kipanga, kangi umwisyugu abanyāmbāla ba kipanga bala bikukāna kilikyosa iki John Wesley īmilāga. John Wesley ālumbililāga ulubumbulusyo Lwakyāla. John Wesley itikaga mu lōsyo lwa Mbepo. John Wesley itikāga mu kupyanyikisya kōsa ukwa fikūngīlwa. John Wesley, Martin Luther, bīngi ba banyāmbāla abakulumba bala bāyobāga mu ndimi nukusanusya. Kangi, umwisyugu, ugwe ubagīle ukuyoba mu ndimi nkipanga kya Methodistī pamo kipanga kya Luteri, abēne bisakukubāyāga ugwe panja pa kifigo. Ngimba kitāmīsyē fiki? Mulamula mu kabalilo mūmo uswe tubagīle ukubīka pabuyo abanabalumiana, ngimba fiki fitāmīsyē? Abēne bēgīle ikindukimo ikingi, panongwa yakuti abēne batikumanya ikyakubutītu kya Kyāla. Kangi abēne batisakumanyamo siku Ikyēne ukwīsīla mu seminale!

⁹⁹ Unko une itolo mbāle ikindukimo kwa umwe. Ngimba ikyene kili kanunu? Umma ndaga. Unko uswe tusanukile kula, une ndinakyo ikindukimo kisīmīgwe pāsi apa. Unko uswe tukusyagania mūmo Pauli. . . Lilino, apa, uyo yo mmanyisi gwa Ndumi iyi. Unko uswe tubūke ku Imbombo 9:5, itolo i miniti. Pilikisya kwa mūmo Pauli ābwāgīle u Busetuli ubu, kali kyābonike kiliku. Lilino, mwa Imbombo 9 uswe tukwānda ukubala, bo ulu. Iyo yo kalasi ya sukulu ya Pandungu, polelo nongwa fiki mma—nongwa yafika ukusita kubala ikyēne? Unku une mmanyē akabalilo kāko une ndi panja pa . . . ? . . .

Kangi Sauli, bo akāli ikutūyila panja ṛndilīsyō . . . (O, kala akanini akaniongale-mbulo, akālyoyo-lyapamwanya, aka Yuda akapafu!) . . . ukugoga ukulwana na bafundigwa ba Ntwa, alinkubūka ku mputi nkulumba,

Kangi ānyonywaga ukufuma ku mwene abākalata ukubuka ku Damasko ku kipanga, ukuti linga umwene ābagile balibōsa . . .

¹⁰⁰ “Une ngubūka ukubalondesya abēne mōsa! Linga une mbagile itolo ukubāga abēne, miana, iki une ngubōmbāga ku bēne!” Muketile? “Linga une mbagile itolo ukubāga abēne!” Lōli umwene āli nsunguligwe-ngāni!

¹⁰¹ Ngimba ugwe kumanya bulebule yula ugwiyo kinwelwa pāsi apa akaya nsunguligwangāni ku Būmi? Ngimba ugwe kumanyaga bulebule yula ugwaiyolo umwendendeke mu ngīndi ugwe utisakuyobamo nagwe, ugwe umenye bulebule ukuti akaponanie mmaboko akanini nukunsuma umwene ukwisa ku kipanga akabagila ukupela u mwikemo gwa Kyāla ukufuma mu mwēne, kwisilya mu Lwīmiko? Akabalilo . . . Ugwe umenye bulebule akaya mma? Ikyo kyo iki uswe tukamanya. Lōli iyo yo mbombo yītu. Bo undoba-nswi āsōpīle u lwēlo mu nyanja nukukwabila panja, umwene ātwēle ifyula, iswi, imbulu, būbi gwa mmisi, na filifyōsa ifingi, lōli fimo mwa fyēne syāli iswi. Umwene akāmenye, umwene itolo āsōpīle u lwelo. Ikyo kyo iki uswe tukubōmba. Kētēsya Pauli.

. . . anyonywaga abakalata ukubūka ku Damasko ku nyumba syakwiputilamo, ukuti linga umwene ābagile balibōsa mu njila iyi, kali abene bāli banyāmbāla pamo bakikulu, umwene ābagile ukubapinya abēne nukubatwala abēne ku Yerusalemu. (Nkundwe, umwene āli naloliloli ngāsi!)

Kangi bo umwene ikwēnda, umwene alinkusegelēla Damaska: kangi nakalinga pala palinkumulika ukusyungutila umwene . . .

¹⁰² “Pala palinkwisa umpūti pa nsebwe, Dokotala F. F. Jones, nukuyoba ku mwene, ‘Ugwe kufūmbwa u—u bwendelemo bwa seminale lilino, mwanundumiana, kangi une ngwitika Kyala ābagile ukukubōmbēla ugwe.’” Ngimba ilyo lyayaga Lisimbo iliboneka-linyanyasi, ukubala ilyene bo ulo? Lilino, ikyo kyo itolo bu bwingi bwa busanusyo . . . Une ndikuyoba ikyo kukupula isunga mma. Ikyo kyo, uswe, ikyo kyo itolo bo bwīngi ubusanusyo bo iki uswe kuya nakyo ukufuma ku kyēne umwisyugu. “Ugwe umenye, u māma gwāko āli nkīkūlu unnunu, une ngusūbila ugwe kuyaga ndumbilili unnunu.” Kētēsya iki kyābonīke.

Kangi bo—kangi bo umwene ālyēndīle, umwene alinkwisa kifuki na Damasko: kangi mbimbibi

pala palinkumulika ukusyungutila umwene ukusyungutila, u lumuli... (Whuu, kikwandako ikikinda-kipeligwa!)... u lumúli ukufuma ku mwanya:

Kangi umwene alinkugwa pāsi, kangi umwene āpilike ilisyu likuyoba... Sauli, Sauli, nongwa ya fiki kumfwima une ugwe?

Kangi umwene alinkuti, Ngimba ugwe gwe ywani Ntwa? Kangi u Ntwa alinkuyoba ku mwēne, Une ne Yeso yūyo ugwe kufwīma: kangi ikyene kyo kikafu kuli ugwe ukubāya ukulwana ni fyakulasa.

Kangi umwene alinkutetema kangi āli nswigisigwe kangi alinkuti, Ntwa, ngimba fiki ugwe kumbaga une ukuti... mbōmbe? Kangi u Ntwa alinkuyoba ku mwene, Sumuka, kangi būka nkaya, kangi ikyene kisakubuligwāga kwa ugwe iki kwisa kubōmbaga.

¹⁰³ Kangi abanyāmbála balinkwenda nu mwēne, kangi balinkukīndilīla, kangi abēne balinkummwāga u nnyāmbála. Ananiya, pāsi pala, āyibwēne imboniboni. Fyosa fikīnda-kipeligwa! Kangi ugwaiyolo Sauli, yula ugwaiyolo umiana umpafu! Ananiya uyu āyibwēne imboniboni, alinkukēta mu nyumba. Umwene āli nsololi, mu nyumba yāke, kangi umwene āketīle imboniboni. Umwene... Untwa āyobile ku mwene kangi alinkuyoba, “Alipo u nnyāmbála yumo ikwīsa ukusuluka u nsebwe ukukilania kula, itolo mfwamaso bo ilipulumūsi, kangi ingamu yāke yo Sauli, umwene yo Sauli gwa ku Tarasasi.”

¹⁰⁴ Umwene alinkuti, “Ntwa, une mbilike ifindu ifikulumba. Komma ukunduma une, une ne nnyāmbála unnini. Komma ukunduma une ukunkōnga umwene.”

¹⁰⁵ Umwene alinkuti, “Lōli, kēta, pa nsebwe gwāke ukusuluka, une nunāngīsye umwene imboniboni. Une nābonekīle ku mwene nu Mbānda ya Moto. Une nuntikīle umwene itolo ukuya mfwamaso mūmo umwene abagīle ukuya. Kangi une nāfimbilisigwāga ukungōga amaso umwene nukundepulania umwene mosa bo Une ngāli ukupela kalikosa ukufuma mwa umwene. Muketile, Une nāfimbilisigwāga ukulepulania bosa ubufunda-kyāla bwāke. Ugwe umenye, umwene āli—umwene āli—umwene āli mwinitu unkulumba mu kimo mwa fipanga fila pamwanya pala. Umwene āli nu luko lwa madigri, umwene akāfimbilisigwāga ukupupūta mosa pa kalikosa mma, lōli,” Umwene alinkuti, “iki Une nāfimbilisigwe ukubōmba ko kwēga ikyēne kyōsa ukufuma mwa umwēne.”

¹⁰⁶ Ikyo kyāli kyo kindu. Ikyene kikāli bīka ifyākongelelāpo mwa umwene, lōli ega ikyene ukufuma mwa umwene. Une ngwinogona ikyo kyo iki kitāmisye na bābīngi aba nyāmbála bapūti umwisyūgu; ega ukufuma mwa umwe, kūko Kyāla abagile

ukubika nkati mu bēne u Mbepo Mwikemo. Egela pānja! Pala, umwene alinkuti umwene. . .

107 Kangi umwene alinkuti, “Ntwa, lōli uyu—uyu—uyu umundu yo mundu umbibi.”

108 Umwene alinkuti, “Lōli, kēta, umwene ikwīpūta. Lilino, ugwe kusulukāga ulukīndi lumo kangi ugwe kwisaga ku nyibuko. Ugwe kukīnda inyibuko yila ku kimama, kangi ugwe būka pāsi. Yikuyangapo i nyumba inyēlu, fyūka mmwanya kangi kung’usya pa kifigo. Umwene itolo alambalele mula nkati nkyumba, kula ko butali kūko abēne balintwelémo umwēne. Bika amaboko gāko pa mwene, mwegela umwene kukisōko kya Damaska nukumōsya umwene mu Ngamu ya Yeso. Nongwa yakuti, Une ngukubūla ugwe iki Une nguyaga pakubōmba, umwene ukuyaga pakufimbilisigwa ukukubīlwa ifindu fingi panongwa ya Une, kabuno umwene yo ntumigwa Gwangu ku Bapanja.” Amen!

109 “Ena, lilino, gūlila i miniti, Ntwa! Lilino, yo sukulu nki une numbūle abukeko?” Une ngukubulaga ugwe iki unko uswe tubōmbe, unko uswe tubale Bagalatia nukusyagania. Itolo unkongē—unkonge untu kulakula kunyuma. Unko uswe tumwāge Bagalatia 1, kangi twānde pa linandi lya 10, kangi unko tusyaganie yo sukulu nki Pauli ābukileko, yo seminale nki, kangi amaboko ga ywani gābikigwe pa mwēne, kangi, o, fyosa ifi fyābonīke pa buyo. Bagalatia u ntu gwa 1. Ukuponesyā akabalilo, unko uswe twānde ukufwana ne bupinduke bwāke, ilinandi lya 10.

Kabuno ngimba une lilino ngupepeka abāndu, pamo Kyāla? pamo ngimba une ngulondesya ukusangalusya abāndu? kabuno linga une ngulondesya tāsi ukusangulusya abāndu, une ngaya gwāmbombo gwa Kristi.

110 O, mwe, mwe, mwe! Une ndiyobapo itolo ikindukimo ikinini bo kikāli iki apa. Bagalatia 1, ega untu gwa 8. Balinga bamenye ukuti Pauli yo yūyo abapelile abāndu bala ukōsigwa kangi mu Ngamu ya Yeso, Imbombo 19? Nalōli ābōmbīle. Unko uswe twēga itolo akanini pamwanya apa, ilya 8—ilinandi lya 8.

. . . palema nalinga uswe, pamo u gwāndūmi yumo ukufuma ku mwanya, ikulūmbilila inongainunu iyingi kwa umwe ukukīnda yila iyi uswe twālumbilile kwa umwe, ndeke umwene ayege ngunigwa.

111 Ko kūgu ugwe kuyaga i Nongwainunu iyi, Pauli? Ilinandi lya 9.

. . . uswe twāyobīle, momumo nguyoba une lilino kāngi, Linga u mūndu aligwesa ikulūmbilila i nongwainunu iyingi kwa umwe ukukinda yīyo iyi

umwe *mubombile* mupilike, *mwalyāmbilile*, *ndeke umwene ayege ngunigwa.*

¹¹² Linga umwene yo gwāndúmi-nkulumba, linga umwene yo bishopu, linga umwene yo nkéti-gwapamwanya gwafyosa, linga umwene yo Dokotala *Gwakuti-na-gwakuti*, kali umwene yo ywani, linga umwene atikulūmbilila u lōsyo lwammisi mu Ngamu ya Yeso Kristi, u lōsyo lwa Mbepo Mwikemo, atikulūmbilila ulupyānikisyo lwa fikungilwa, u Kwisa kwa Kristi, ifindu fyōsa ifi, ndeke umwene ayége ngunigwa! Linga umwene ikugela ukwega lililyosa lya Lisyu ili apa kangi kuyoba ilyene lyāli lya lisiku ilingi nukulibika ilyēne ukukilania pa yimo imbya ifundo insitakupilikisigwa iyi uswe twamanyile ukufuma ku seminali yimo, ndeke umwene ayege ngunigwa!

¹¹³ Unko uswe tubale pa, kēta mūmo Pauli ākyāgile icyēne, keta mūmo, iki une ngugela ukuyoba kwa umwe ulubunju ulu.

Kabuno ngimba une lilino ngupepeka abāndu, pamo Kyāla? pamo ngimba une ngulondesya ukusangalusya abāndu? kabuno linga une tāsi nasangulusyāga abāndu, polelo une ndikuya mbómbi gwa Kristi.

¹¹⁴ Ngimba une mbagile ukugūlila kalikōsa, ngimba abagile bulebule u mūndu uyu ānganile Kyāla, kangi ndūmbilili, fiyofiyo, ukugūlila ukubōmba kalikōsa lōli ukuya mbengigwe nu mūndu? Abāndu bisakukubenga ugwe. Ena, abēne balinkuti. . . Yeso alinkuti, “Linga abēne bikungōléla Une, u Fundi gwa nyumba. . . Une ne Fundi, unkulumba ukukinda gwa mwesa ba umwe. Une ne Yūyo ne mbagile ukubōmba ifika kangi ukubōmba fingipo na Mbepo Mwikemo ukukinda mwesa ba umwe, panongwa yakuti Une ndinabo ubwisusye bōsa mwa Une. Kangi linga abēne bikungōléla Une ‘Belezebabu,’ bo bwingipo buki bisakukukōlelāga abēne umwe? Lōli,” alinkuti, “komma ukwega ilinogono nalimolyene iki ugwe kwisakuyobaga, kabuno icyene kitisakuya ugwe uyu ikuyoba, icyene kisakuyaga Tāta uyu ikwitūgāsya mwa ugwe, ikubōmba ukuyoba kula akabalilo kala. Itolo itugasyaga palapala ni Lisyu.” Kangi Umwene, akabalilo kāko Umwene āfikilepo ukumalīsyā ukusimba Būku, Umwene alinkuti, “U mūndu aligwesa uyu isakwēga i Lisyu limolyene ukufuma mwa Būku uyu pamo ukōngelelako i lisyu limolyene ku Lyēne, yulayula isakwegigwaga ukufuma mwa Būku gwa Būmi, kuli umwene.” Kyāla atutule uswe ukwitugasya nubutalusye ni Lyēne!

¹¹⁵ Lilino ilinandi ilikōnge, unko une mbāle lilino, mbāle mbibimbibi lilino.

Lōli une ngusisimikisya. . . (Ikyo kyo, kikukwēgela ugwe ku Bulongi.) Une ngusisimikisya umwe, bakundwe, ukuti i nongwainunu iyi yālumbililīgwe na une yikaya kufuma ku mūndu.

“Lilino, une ngaya pamo gwa Methodisti, mBaptisti, mPresbeteri, pamo mPentekosti; icyēne kikāli nongwa ya mūndu. Napamo. . .”

Kabuno une napamo nālyāmbilile iyene ukufuma ku mūndu, napamo namanyisigwe une iyēne, . . .

116 “Une ngālyāmbililēmo siku iyene ukufuma mūndu, komma ku seminale, komma kwa dokotala, komma ku bwakyala, komma ku sukulu ya bumanyili. Une ngālyāmbililemo siku iyene injila iyo, une ngamanyisigwēmo siku iyene injila iyo, une ngayagilēmo siku iyene injila iyo, iyene yikālisilēmo siku kwa une mu njila iyo.” Ngimba iyene yālisile bulebule polelo, Pauli?

. . . ukumanyisigwa iyēne, lōli ukwisila mu busetuli bwa Yeso Kristi.

117 “Akabalilo kako Kristi ālisetwile Mwene kwa une, ukuti Umwene āli yo Mwanundumiana gwa Kyala, akabalilo kākō i Mbānda ya Moto yila yāgwile pa une ilisiku lila, une ndinkuti, ‘Yogwe ywani Ugwe, Ntwa?’ Umwene alinkuti, ‘Une ne Yeso.’”

118 Lilino, une ngubanāngisyāga umwe iki—iki kyābonike ku mwene. Lilino, lululu ulu linga u mwinitu āli nu bwendelemo, abēne bikulōndāga ukumpa umwene ifyinja kalongo ukumanyila i kiGiriki, kangi ifyinja kalongo ifyākōngelēla ukumanyila ikindukimo ikingi, kangi ukufika akabalilo kala umwene akīndile. Kēta.

. . . napamo mma nālyāmbilile iyene ukufuma ku mūndu, napamo namanyisigwe une iyene, lōli ukwisila mu busetuli bwa Yeso Kristi.

Kabuno umwe mupilike isya kāngu akapāngo mu kabalilo kunyuma mu bwa kiYuga ubwīpūti, . . .

119 “Une nāli u dokotala unywāmu, ndumiana. Une nāli nakyo icyēne.” Umwene āmanyisigwe pāsi pa Gamalieli, u manyisi ugwapamwanya ukukinda uyu abēne bāli nagwe nkīsu. Balinga bamenye ukuti Gamalieli āli yumo gwa bakulumba, abamanyisi abakulumba ukukīnda? Ena, nkulumba. “Ubwīpūti bwāngu bwa kiYuda, ndumiana, une nāli nabo pāsi; une nāmenye fyosa akayobelo ka Kimanyisyo kya Batumigwa kangi fyosa ifindu fila, umwe muketile. Une nāmenye akayōbēlo ka nyīputo sya ndubunju syōsa kangi ukusaya abāndu.” Muketile?

. . . mūmo fikuti ukukīnda ubupime polelo une nafwīmīle i kipanga kya Kyāla, kangi nakyōnangīle icyēne:

“Mūmo fikuti une nāgelile ukubīmīka ikipāmbō kila ikya bīkēmo-babunguluka!” Muketile? Muketile?

Kangi une nākabīle mu bwa kiYuda ubwīpūti. . .

120 “Une nāli mundu unkulumba. Ndumiana, une nalololi. . . une nākabīle, une nabanāngīsyē abēne une nābagīle ukubatika

abëne pāsi, 'nongwa yakuti une nāgōgile baStefano ni kubugutila kyōsa ikya ifindu fingi une nābōmbile. Kēta mūmo une nābōmbile!" Mūmo fikuti ukukīnda ubupime umwene āfwīmīle!

Une nākabile mu bwa kiYuda ubwīpūti pamwanya pa bīngi abafwana na une nkikolo kyāngu nimwene, ukuya ukukinda nubwīngi gwakusukulika gwa nyiho sya bābo abatāta.

¹²¹ Lilino, kumbukilaga, komma i Lisyu Iya Kyāla, "u lwiho lwa batāta," u lwiho lwa kipanga, mmasyu agangi. "Une ngusakikisya une nāli gwa Methodist ku kikōngoti, une nāli gwa Baptisti ku kikōngoti, une nāli gwa Pentekosti ku kikōngoti." O, ugwe uli? Une ngulonda ukuya Kyāla ku kikōngoti. Ena, ikyo kyo kyene. Muketile? Umma ndaga.

. . . inyiho sya batāta.

Lōli akabalilo kāko ikyēne kyangalwīsyē Kyāla, . . . (o, o, Pauli, apa ugwe kwīsa) . . . yūyo alimbagwīle une ukufuma mu mbapo ya māma gwāngu, yūyo kangī ālīndwēle une ku kīsu iki, kangī ālingōlīle une ukwisila mu lipyana lyāke,

Ukusetula u Mwanundumiana gwāke mwa une, . . .

¹²² Ngimba ikyo kyo fiki? "U Mbepo Mwikemo mwa une! Ikyēne kyālinkyēlīle Kyāla ukunyēga une, yūyo ālimbāgwīle une ukufuma munda mwa māma gwāngu, nukumba une u Mwanundumiana, uyu yo Mbepo Mwikemo mbubumbe mwa Mbepo, mwa une, ukwisetula Mwene mwa une." O, mwe! Whuu! Une—une—une ngwitika une ngulonda ukuywega itolo panandi.

¹²³ Kēta, unko une ngubūle ugwe, nkundwe. Akabalilo kāko ikyēne kyālinkyēlīle Kyāla! O, haleluya! Akabalilo kāko ikyene kyālinkyēlīle Kyāla! U tāta kinwelwa. U māma . . . Kyāla akusaye ugwe, māma, une ndikuyoba nakimo ukulwana na ugwe. Lōli u māma uyu akāmēnye nakamo akingipo ukufwana ni fya Kyāla ukukinda mūmo kalulu āmēnye isya filato-fya-matalala. Kangi u tāta uyu ālambalalāga agālīle mu ngindi. Kangi kisita kuya ni filato ukubūka ku sukulu, kangi inywili indali pāsi pa makosi gāngu, kangī aligwesa ālimbengīle une panongwa yakuti une nāli gwa kiKentucky ukukilania kuno ku Indiana. Kangi mūmo, o, mūmo ikyēne kyayīlīle itolo ukuboneka ukunūnge. Lōli ikyēne kyālinkyēlīle Kyāla! Ameni! Ikyēne kyālinkyēlīle Kyāla, Yūyo ālimbāgwīle une ukufuma munda mwa māma gwāngu, ukuti Umwene abagīle ukusetula u Mwanundumiana Gwāke mwa une, ukwisila ukupela u mbombi gwa Lisyu, ili lyābagīle ukwima itolo ukutalula ni Kyēne, ili lyābagīle ukunāngīsyā imboniboni ni fimanyilo ni fiswigo ni fika. Kangi, o, mwe!

124 Muketile iki Umwene āyobelaga? Ikyēne kyālinkyēlile Kyāla ukubōmba ikyo! Bulebule? Pilikisya kifuki. “Uku setu- . . .” Ega ilinandi lwa 16 lilino.

Ukusetula u Mwanundumiana mwa une, ukuti une mbagile ukulūmbilila umwene pakati pa basitakyala; nakalinga une ngālyāgéne mma ni kipanga:

125 “Une ngābukilémo siku kwa bishopu aligwesa nukundālusya umwene iki une mbagile ukubōmba. Une ngābukilémo siku ku guligōsa u mbili ni lilopa, ifibugutila filifyōsa pamo kalikosa akangi. Une nasiku ngāli na kalikōsa akakubōmba na bēne. Une ngālyāgenémo nu mbili ni lilopa. Pamo ngābūkilémo une kula ku Yerisalemu ku bōsa abakulumba abapūti abikemo kangi abatāta abikemo, kangi bosa bala, nukuti, ‘Lilino, umwe mumenye, une nāli ni mboniboni, ngimba mbombe siliku isya iyēne? Une nālimbwēne unsayigwa Ntwa Yeso mu mboniboni.’ Abēne āngāli bātīle, ‘Sokāpo apa, ugwe! Kyo fiki iki . . . Ugwe mwikemo-mbunguluke! Ena, ngimba kibonike fiki kwa ugwe?’ Umma, une nāli na madigri gābo ukwanda itolo. Nāli . . .”

126 Kangi Pauli alinkuyoba kubwa kuno, une mbagile ukubanāngisya umwe mu Lisimbo, ukuti umwene āyobīle umwene āfimbilisigwe ukwībwa kilikyosa iki umwene āmanyilémo siku, nukukyēga ikyēne ukuya nakimo, ukuti umwene aabagile ukumanya Kristi. O!

Pamo ngābukilémo une kula ku Yerisalemu ku bēne bābo bāli batumigwa pankyeni pa une; lōli une nābūkīle ku Arabia, kangi ukusyumbutuka kangi ku Damaska.

Kangi ukukinda ifyinja fitatu une ndinkubūka ku Yerisalemu ukwakumbona Peteri, nukwitugasya nu mwēne amasike kalongo na mahano.

127 Kangi bo uswe tukukindilila ukubala, uswe tukusyagania ukuti umwene nu ntumigwa Peteri bakalyāgenémo siku yumo nu nnine mbūmi, nasiku ukumanyana yumo nu nnine, nasiku ukubonana yumo nu nnine, lōli akabalilo kāko abēne bikwisa palikimo abēne bālumbililāga i Nongwainunu yimoyene. Kyāla alinayo i sukulu. Muketile? Ena!

128 Apa ālipo Peteri, ālīmīle pamwanya pa Lisiku lya Pentekosti, alinkuti, “Pinduka, aligwesa gwa ume, yaga bōsīgwe mu Ngamu ya Yeso Kristi, kubusyūle bwa mbībi syīnu, umwe mwisakwambililāga i kikungilwa kya Mbepo Mwikemo.”

129 Filipu alinkuyoba, “O, mūmo kiyīlile kyālwīmīko iki! Une mbagile ukubōmba ikindukimo nīne. Ukusuluka ku . . . Une ndinako ukukōleligwa ukusuluka ku Samaria.” Alinkubuka pāsi kula nukwanda ukubīkīla ubukēti mu lukindi. Ikindu kyākwānda, u mūndu umbine ikwisa pala, ikwāla amaboko pa mwēne, kangi ikwanda ukunyelanyēla nukunyēla. Alinkuti,

“Lwĩmiko kwa Kyāla, apa uswe tulipo!” Alinkwanda ukuya nu lukomano ulunywamu. Umwene alinkuti, “Umwe mwesa mukulondigwa u Mbepo Mwikemo.” Umwene alinkuti, “Iki umwe mukulondigwa ukubōmba, umwe mukufimbilisigwa ukōsigwa mu Ngamu ya Yeso.” Polelo umwene ābēgīle abēne, aligwesa, panja pala nukubōsya abēne bōsa mu Ngamu ya Yeso. Alinkuti, “Isaga, Peteri, bika amaboko gāko pa bēne lilino.” Kangi abene balinkuya na Mbepo Mwikemo.

Peteri, pamwanya pa nyuma ya Korneli, injila yilayila.

¹³⁰ Pauli na siku nukumbonāmo umwene pamo ukupilikamo nakimo ikya umwene. Lōli umwene ākindīle ukwisila ifiloboko fyapamwanya ifya Efesi, nukubāga abafundigwa bamo. Umwene ālimmwāgīle u ndumbilili gwa kiBaptisti, umwene āli, Apollo, ugwandagilo umpinduke, nkomu, gwamahala, ukwega u Lwitikano Ulukūlu nukusimikisya ukwisila mu Lyēne ukuti Yeso āli yo Mwanundumiana gwa Kyāla. Ena, nkulumba, umwēne āli nkomu. Kangi abēne baywēgāga, abēne bāli nu busangulufu. I Bāngēli lyāyobīle lūlo. Bala untu gwa 18 nu gwa 19 ugwa Imbombo kangi kēta linga ikyo kyo kikayaga kitalusye. Abēne bāli nu busangulufu, abēne bāmogāga mwa Mbepo, nukubopabopa ukusyungutila, umwe mumenye. Pauli alinkuti, “Lōli ngimba umwe mwambilīle Mbepo Mwikemo ukufuma pāpo umwe mwālītīke?”

¹³¹ Kangi kwa umwe bakundwe ba kiBaptisti mwe mukugela ukukifimbilisīya ikyo pāsī pa milo gwa bāndu, kangi lyāyobīle ilya kiGiriki ikyapakwanda lyāyobīle, “Ngimba umwe mwālyāmbilīle Mbepo Mwikemo ukufuma pāpo, pamo *akabalilo kāko* umwe mwālītīke?” Une ngubasasania umwe ukutwala ku myangu ilya ki Giriki! Une ndinalyo ilya kiGiriki ikyāpabwāndīlo mu bwenenalyo. Une ndinalyo ilya kiAramaiki, kangi ikiHiburi, lyōpe. Lililyosa limo lya agēne likuyoba, “Ngimba umwe mwāmbilīle Mbepo Mwikemo *ukufuma pāpo* umwe mwālītīke?”

¹³² “Nu lwītiko umwe mupokīgwe,” ulo lo lwītiko mwa Kyāla. I Lilopa likukyunga ugwe ukuya mwelu ukufuma ku butulwanonga, panongwa yakuti ilyēne lukupela ilikemo. Ili Lopa litikukupōka ugwe, i Lilopa likukukyunga ugwe uyege mwēlu. Ugwe kupokigwa bulebule? “Nu lwītiko ugwe upokīgwe,” kangi ikyo nu kumanyila-ngāni kwa Kyāla, ikukukōlēla ugwe. Ugwe upokīgwe, kangi i Lilopa likutendeka uluhombo, kingikingi ukukukyunga ugwe uyege mwēlu. Kangi polelo nu Mbepo yumoywene umwe mōsīgwe mwa Mbepo Mwikemo, mu bulilanisi bwa bitiki, kangi mu bulilanisi bwa Mbepo Mwikemo, ukulōngosīgwa nu Mbepo, ukubomba ifimanyilo, ifiswīgo.

¹³³ Gūlīla, ukwisa pala, ukugūlīla ikindikimo, itolo akanini panandi uswe tukukyāga ikyēne, kusūbīla uswe tukubōmba

mulimosa. Une ngubulile ugwe ukungōléla une pa kabalilo aka, bule ikylene? Kyābonike itolo ukuti une ngētile ku kyēne. Itolo i—itolō i lisyu pamo mabili ukongelelāpo. Itolo i . . . Ikyēne kyo—ikyēne kyo akayabo kanini ukōngelelāpo.

¹³⁴ Ngimba bwāli butali bule ubupokigwa ubu, butali bulebule? Lo luko luki ulwa bupoigwe? Ukufuma ku kipanga ukubuka ku kipanga? Ukufuma . . . Unko uswe tusanukile ku Bahiburi 9:11, itolo—itolō ukuketa ukuti tubone bo butali bulebule, itolo ku maminiti manandi. Sanukila kula kwa Būku gwa Bahiburi kangi unko uswe—unko uswe tusyaganie itolo bo butali bulebule u bupokigwe ubu bukumalika. Kēta lo luko luki ulwa bupokigwe ubwene buli. Unko uswe tubāle lilino Bahiburi 9:11.

Lōli Kristi ukuya mpūti nkulumba gwa findu finunu ifi fikwisa, ukwisila mu ingulumbapo kangi inyumba imbelelesye ukukindapo, insitakubūmbigwa na maboko, ikyo ko kuyoba, . . . (Lilino uyu yo mmanyisi yulayula, Pauli, muketile.) . . . komma isya i nyumba . . . nyumba iyi;

Pamo mma ukwisila mu lilopa lya mbene pamo ingwata, lōli ukwisila mu lilopa lyāke mwene umwene abōmbile ingile nkati kamokene (kalinga? Kamokene!) ku ubuyo ubwikemo, namanga ākabile . . . (ubupokigwe ku ndungu, ubupokigwa mpaka ulusasanio ulukōnge? Lo luko luki?) . . . ulutabulo lwa bwilanabwila kuli uswe.

¹³⁵ Ngimba i lisyu lya “Bwilanabwila” likusanusya fiki? Mwa Kristi, ukufuma pāpo une nīti ke . . . Nayumo u mūndu abagile ukunkōléla Yeso, “Kristi,” kwene ukwisila mwa Mbepo Mwikemo. Polelo filipo ifibugutila fitatu ifya bāndu: basitabwītiki, bakwibika-bitiki, kangi bītiki. Lōli abēne bābo aba bītike ku Būmi Bwasyēpwa, bīngile mu fyūmba fila.

¹³⁶ Ega inyumba yakwiputilamo iyaiyolo, ngimba kyāli fiki ikindu ikyākwānda abēne bābōmbile? Ukwingila mu fyūmba, a Bāpānja. Ikikonge kyāli ikigemo kya mkuba, pāpo abēne bāsukāga ilikemo pa litubwi lya golidi. Ikikonge kyāli ko kugoga kwa likemo, nukunyafila ililopa pa kigemo. Polelo, kamokene pa kinja, Aaroni onelelāga, o, (ni fiki?) ni linūngisyo lya Bulenge bwa Sharon, na mafuta amapala aga gāli nu lūma mu gēne, abēne bōnelāga agēne pantu gwāke, agēne gābūkāga ukusululuka mpaka ku kūsulo kwa nselekesye gwāke. Kētēsya lilino u nnyāmbāla uyu āfimbilisigwāga ukubūka nkati kunyuma kwa fikingo, kamokene pa kyinja, ukupimba pankyēni pa mwene ililopa lya ku Kikota kya Kisa. Kangi umwene ālyegile ingili yāke nkyinja kimokyēne nukwibwa iyēne. Bo abēne bābūkile ukugomokela ku yēne, iyēne yāmelile mōsa nukuteketa. Ingili ingūlu iyi umwene āpimbāga lumo ku fyinja malongo mana mu lulangalanga, ayilambalike mula mu Buyo Bwikemo! Kētēsya, akabalilo kāko bala bālyegile ililopa lila

ilya lwĩtikáno, ililopa, umwene āpakígwe. Kangi umwene āli ni myenda afwele igi gyāli nu tubāngala twa njisi utunini mu gyēne, ilikomamanga ni bāngala. Kangi u nnyāmbála yula āfimbilisigwága ukwenda mu njila yimo ukuti akabalilo kōsa umwene endesyaga ikilundi kyāke, kangi ukwenda bo *ulu* nukupela ilikato lyāke, ifyēne fyakubaga, “Mwikemo, mwikemo, mwikemo, kwa Ntwa. Mwikemo, mwikemo, mwikemo, kwa Ntwa. Mwikemo, mwikemo, mwikemo, kwa Ntwa.” O, mwe!

¹³⁷ Ngimba une nguyoba isya fiki? Pilika Ikyene, Branham Tabernacle! Umwe mufumile pakuya nu lusako lwĩnu. Bo u mũndu kamokēne onelelígwe nu Mbepo Mwikemo, ukuti afwĩkígwe mu nnikolo kya Kyala, ukuti abikígwe pabuyo pamwene-pamwene na Tāta, nukubikígwa mbubōmbela panja apa, mu lubĩngililo lwāke bwa bũmi, pamo iki Kyāla ankōlelĩle umwene, ukwenda kwāke kubagĩle ukuya “Mwikemo, mwikemo, mwikemo, kwa Ntwa. Mwikemo, mwikemo, mwikemo!”

“O, ugwe kufimbilisigwa ukusanukila kulubafu ku *iki* kangi yaga . . .”

“Mwikemo, mwikemo, mwikemo, kwa Ntwa.”

“O, ugwe kufimbilisigwa ukwitika kilikyosa iki unkulumba-gwa-kipamba āyobĩle, *iki*.”

¹³⁸ Lōli, “Mwikemo, mwikemo, mwikemo, kwa Ntwa.” Unko i Lisyu Lyāke liyege lyākwānda, unko Ilyēne liyege kilikyosa iki kiliko, uyubisígwe, usēngēme mu ndumbula yāko! Ubwendelo bwāko bukufimbilisigwa ukuya kwa mu Lisyu. “Mwikemo, mwikemo, mwikemo, kwa Ntwa.”

¹³⁹ “O, linga ugwe itolo kwisaga ukukilania kuno! Une ngukubulága ugwe ifi uswe tukubōmba, uswe twisakupāngānia, ukukubika ugwe mu kipānganio kyĩtu, ugwe kwisakuyaga u nnyāmbála unkulumba.”

¹⁴⁰ “Mwikemo, mwikemo, mwikemo, kwa Ntwa. Mwikemo, mwikemo, mwikemo, kwa Ntwa,” ukukĩndilĩla nkyeni, kitikupela ubukĩndāne nabumo iki aligwesa ikuyoba, ubagĩle ukugomosya amatepi aga.

¹⁴¹ “Bomba *iki*, bomba *iki*, bomba *iki*, bomba *iki*, i *kingi*.”

¹⁴² “Mwikemo, mwikemo, mwikemo, kwa Ntwa.” Ugwe uli na māsō gāko galulalĩle kwa Kalvari, kangi kikayapo nakimo kikuyaga pakukwĩmĩka ugwe! Bu bwendo bwa bũmi bwāko, ugwe kwenda pāsĩ pa Nsebwe-nkulumba gwa Mwalafyāle, gōnelelígwe na mapala a Mafuta agakōnelela, kubúka nkati Mbwikemo bwa bwikemo. Whuu! Ameni. Umma ndaga.

¹⁴³ Pauli āyobĩle umwene akālyēgĩle Iki ukufuma ku mũndu. Lilino ngimba umwene ikuyoba fiki, ukugomokela ku Bagalatia, ikimanyisyo kyĩtu? “Bo atēndĩke ukumanyisigwa kwa uswe ikyakubutĩtu kya bwĩgāne Bwāke.” Ngimba u bwĩganu Bwāke

bo fiki? “Atëndiki ukumanyigwa ifyakubutitu fya bwigáne Bwáke.” Umwe mwe mukusimba, ilinandi lya 9. Lilino une nguyaga pakubopela papapa mbibimbibi nukukimala iki mōsa, ’nongwa yakuti uswe tutumukilwe.

144 O, i Lisyu lililyosa lyo fiyo i...?. . . O, i Lisyu lililyosa lyo tunyafu. Ugwe ubagile itolo ukwēga Ilyēne nukukindilila itolo ukulipuputa Ilyēne. Ugwe ubagile ukukumba, une mbagile. . . Ugwe ubagile ukwēga limo mwa Masyu gala ukufuma mula, ukwegela ilyene kula ku Bwandilo nukulipuputa ilyene, ukwegela ilyene kwa Ukusōka nukulipuputa ilyēne kangi, ugwe ubagile ukulyégela ilyēne kwa Levi nukulipuputa ilyēne kangi, kangi, akabalilo ugwe kufika ku Busetuli, Ilyene lyo kayabo kalikosa yo Yeso! Amen. Ugwe unagile itolo ukulipuputa ilyēne nubukafu mūmo ugwe kulondela, ikyene kisakuyaga Yeso akabalilo kāko ugwe kutika—akabalilo kāko ugwe kutika Busetuli. Kabuno, Umwene ātile, “Une ne Umwene uyu Āli, Uyu Ali, kangi Isa Kwisaga. Une ne Nsisi kangi Kimela gwa Davidi, i Ndongwa Lubunju. Une ne Alfa, Omega.” Ikyo kyo A ukubuka ku Z mu alfabeti ya kiGiriki. “Une ne ukufuma A ku Z. Une Yone! Une ne Mōsa-na-mōsa.” Uko ko kotalusya. “Une ne Umwene uyu āli nu būmi kangi nāfwile, kangi ndi mūmi kubwilanabwila. Une ndinasyo ifungilo sya bufwe na gehena.” O, mwe! Akanyafu kalikōsa ugwe kusala muno nugwenda ukupuputa akene, akene kisakupuputigwa mulamula mwa Yeso.

145 Lilino, itolo panandi ukukabilapo kangi polelo uswe twisa—uswe twisa—uswe twisa—uswe twisakwīma. Ena. Ngimba uswe tukugūlila fiki, lelo? Ngimba ugwe uli muno ndukomano panongwa ya fiki? Ngimba ifundi ya ikyene yo fiki? Ngimba i kīsu kikukoloma panongwa ya fiki? Ngimba ipufulilo ya atomiki yitulikigwe kwisilia panongwa ya fiki, ngimba aba molekyulu na ba atomu bo fiki? Kangi, o, ngimba ikyene kyo mōsa kya fiki?

146 Sanuka, Baroma gwa 8, itolo i miniti. Ngimba ikyēne kikugūlila fiki? Ngimba fyosa ifi ukugūlila panongwa ya fiki? Ngimba ko kabalilo kaki? Baroma, untu gwa 8, kangi unko uswe twānde nukubala kangi ukubala ukufwana ni, o, une mbagile ukuyoba ugwe lwele- . . . Unko uswe twānde mula kifuki ugwe lwele na li- . . . ilinandi lya 19, kangi itolo—itololo ukubala itolo apa ukuti tupele ikyene—tupele ikyene naloli kinyafu. Uko ko kotalusya. Une mmenye kūko umwe mukubūkako kula. Umma ndaga. Baroma, untu gwa 8, une ngusūbila une ndalwisye lilino. Ena, nkulumba. Untu gwa 8, kangi unko uswe twāndéko apa kifuki ilinandi lya 18. Unko itolo twāndéko pa linandi lya 14.

Kabuno na bu bwingi bwa aba bikulongosigwa nu Mbepo gwa Kyāla, abēne bo. . . bānabalumiana ba Kyāla. (Uko ko kotalusya.)

*Kabuno umwe mukāmbilīla i mbepo ya bupinyigwe
kangi ku lutende; . . .*

147 “O, nguswīga linga une mbagīle itolo ikwikasya. Ooo, linga une mbagīle itolo ukwikasya lilino!” Ukwikasya nakimo! Ikyene kikaya ukuti kali une nālikasīsyē, ikyēne kyo kali Umwene ālikasīsyē. Une ndi mwa Umwene lilino, muketile.

148 Ena, ugwe kuyoba, “Ena, linga une ndi mwa Mwēne!” Lilino umwe—umwe baPresibeteri mukuyoba, “Aa, uswe akabalilo kōsa tukwitika Ikyo.” Lōli u būmi bwīnu bukusisimikisya ukuti umwe mutikwitika, pene pāpo umwe mukwenda mu luko lwa būmi Umwene ālyēndīle, umwe mukwitika i Nongwainunu yilayila Umwene ālumbilīle.

149 Ugwe kuyoba, “Aa,” u gwaBaptisti ikuti, “naloliloli, une ngwitika mu buponesigwe Bwasyēpwa.” Kangi ukubūka panja nukwakukwēsa ingambo nukubopela ku fimogo, kangi abakīkūlu ukutumula inywili syābo, ukupaka ilāngi ifisyo fyābo nu kubōmbēla bo une-ngamanya-kiliku? Ifipaso fyīnu fikusisimikisya ugwe utikwitika Ilyene.

Akabalilo kako une nguyoba, “Ngimba ugwe kwitika mu bubumbulusyo Bwakyala?”

“O, Dokotala Jones āyobīle ikyene kyāli *lūlo*, ikyo kyāli mmasiku ga kunyuma.”

150 Lilino, ugwe unsyobi! Ngimba fiki fitamisye na ugwe? Ugwe gwe mpelakisa mwanike gwakigili. Ugwe uli kubutali fiyo ukufuma ku Nongwainunu mpaka ikyene gwo kipelakisa. Ugwe usosigwēpo na njila ukubūka mu nsebwe gwamatipa gumo ku butagilo ifinyanyasi kumo. Ngimba utikukibona ugwe apa iki Umwene āyobīle? Ukuti, imbepo yiliyosa iyi yikwitikisya ukuti Yeso akīsa mu mbili lululu ulu, yo mbepo inyali. Ilibangeli liyobile Yeso Kristi yo yuyo mmayolo, umwisyugu, na bwilanabwila. Iki Umwene āyobīle lūla, Umwene ali lilino, Umwene ali akabalilo kalikosa bo lula. Itolo pilikisya.

*Namanga umwe mukāmbilīla i mbepo ya
bwaminyololo kangi kulutende; lōli umwe mwāmbilīle u
Mbepo gwa i . . . [Ikilundilo kikuyoba, “Bufwikigwe.”—
Nsimbi]*

151 Lilino, ukufuma pāpo ugwe ufwīkigwe, syosa kanunu, ukufuma pāpo ugwe ufwīkigwe. Ugwe ubīkigwe, polelo ugwe kupilikisya, ukufuma pa lusekelo lula luyobigwe kangi ugwe ubīkigwe nkati mu Mbili nubutalusye. Ugwe gwe mwanundumiana, naloli, u mwanundindwana, akabalilo kāko ugwe upāpīgwe kabubili ugwe uli ikyo, ikyo kyo bupāpīgwe bwāko. Lōli lilino ugwe ubīkigwe pabuyo pamwene-pamwene.

*Uswe tukambilīla i mbepo ya . . .lutende; lōli uswe
twāmbilīle u Mbepo—uswe twāmbilīle u Mbepo gwa*

bufwĭkĭgwe, kũko uswe tukukũta, Abba, Tāta. (Iki kokuti, “Kyāla gwāngu.” Umma ndaga.)

U Mbepo mwene ikupimba ubuketi na mbepo gwĩtu, ukuti uswe tuli—uswe tuli bāna ba Kyāla:

152 Ngimba ikyēne kikubomba bulebule? Ugwe kuyoba, “Lwĩmiko kya Kyāla! Haleluya! Ikyene kitikundamia une, une ne mwāna gwa Kyāla,” kangi ukusōka panja nukubōmba ifindu ifi ugwe kubōmba? U Mbepo gwa Kyāla ikubomba imbombo isya Kyāla.

153 Yeso ātīle, “Umwene uyu ikwitika mwa Une, imbombo isi Une ngubomba isakubombaga yope.” Muketile? Muketile?

154 Linga—linga—linga—linga umpesa gukusōka nukutwala ikipambo kya mipesa, kangi ikikonge kikusōka nukutwala ikipambo kya mũngu, kilipo ikindukimo kisobīle. Muketile? Ikyene kyo kipanga ikilungisĭgwe, ugwene go mpesa undungisĭgwe, umwene yo mũndu undungisĭgwe. Linga u mũndu ni kipanga-kipāgũke kimo, ĩngile nkipanga-kipāgũke nukwikōlēla bēne Nkristi, kangi akaya nayo u Mbepo Mwikemo nukuya na Maka ga Kyāla na fyōsa ifindu ifi . . .

155 Lilino, linga ugwe kusōka panja apa nukubōmbēla bo aba bāli bagāle, itolo panongwa yakuti ugwe gwāyobīle mu ndimi. Une ngibwene imisyētāno gikuyobela mu ndimi. Ena, nkulumba. Une ngibwene igyēne gikumoga mu mbepo, nukuywega nukutatafula ku kānwa, na filifyosa ifingi, kangi fyosa ifyo. Une nkibwene ikyo. Une ne . . . Une ndikuyoba isya ikyo. Une nguyoba isya Mbepo gwa Kyāla.

U Mbepo mwene ikupimba ubuketi na mbepo gwĩtu, ukuti uswe tuli . . . bāna ba Kyāla:

Kangi linga polelo bāna, bingilakilingo; bingilakilingo ba Kyāla, . . . bĩngilakilingo-palikimo na Kristi; linga polelo . . . ukuti uswe tukukubilwa nu mwene, ukuti uswe tubagile . . . nuswe twimikigwe palikimo.

Kabuno une ngusyagania ukuti u bukubilwe . . .

156 Pilikisya itolo iki. O, linga ikylene kikaya kimogi!

Kabuno une ngusyagania ukuti u bukubilwe bwa kabalilo akamwisyugu kukaya kufikapo ukufwanikisĭgwa nu lwĩmiko ulu lwisakusetuligwāga mwa uswe—mwa uswe.

Kabuno ubwisyukwe bwa kipeligwa . . .

157 Ikyene kikōlēla apa, ndinalyo ilinini—ndinalyo ilinini ilisya pala, ilinini ilyakubaligwa mbungw’ale, “kipeligwa” yo ndalusye, mu kiGiriki.

. . . ubwisyukwe bwa kipeligwa, ikipeligwa kikugũlila ku bubonekelo bwa bānabalumiana ba Kyāla.

158 Ngimba filifyosa fikugũlĩla pa fiki? Ngimba ikipeligwe kyōsa kikugũlĩla fiki? Ukubonekela kwa banabalumiana ba Kyāla. Ikyene kikugũlĩla i Kipanga ukwisa ukuya mu buyo Bwāke. Ngimba yo ywani āli mwanundumiana gwa Kyāla, akabalilo kāko Adam, ngimba ko kugu kyāliko ikitangalala kyāke? I kīsu. Umwene, umwene āli ni kitangalala pa kīsu. Ngimba ikyo ko kutalusya? Umwene akāli Elah, Elah, Elohim akabalilo kala mma; Umwene āli Yehova. Muketile? Uko kokuti, “Une ne Kyāla, kangi Une mbelĩle abaninipo bamo pāsi pa Une. Kangi Une mbapēle abēne ubulagili. Kangi mu kitangala kyābo, ubulagili pāsi pābo, kyo kīsu.” Umũndu āli nu bulagili pa kīsu. Kangi kyōsa ikipeligwa kyōsa kikugũlĩla ku bānabalumiana ba Kyāla ukubonekela. O!

Uswe tukukētēsya ku bwisilo bwa lisiku lila
 ilĩkyēle ilya Finj’elifu,
 Bo gwĩtu Ntwa nsayigwa ikwisaga nukunyaka
 u Nsingiligwa Gwāke ukubuka;
 O, i kīsu kikukoloma, ukukũtila ilisiku lila
 ilinyafu ilyabwabuke,
 Bo u Mpoke gwĩtu isakwisa ku kīsu kangi.

159 Ngimba isyo ndalusye? Kugũlĩla. Kyala ikugela ukubĩka i Kipanga Kyāke mbuyo, ukwibonesya Mwēne, ukwega yumoywene uyu Umwene abagĩle ukubōmbelāmo bo ulu, ukuyoba, “Pala u Mbepo Gwāngu ukwendelela nubwābũke. Pala Ikyene kili. Kila, kila, Une—Une mbagĩle ukubomba.” Apa, ukwega uyungĩ ukukilania apa nukumbĩka umwene, “Une mbagĩle ukumbĩka umwene.” Ukufwikĩgwa, ukubikĩgwa, ukubonekela, ukummwegela umwene panja apa nukubĩka ulusekelo pa mwene, ukunjātĩla umwene ba Bāndũmi, ukumbula umwene ikindikimo. Lilino, linga umwene abũligwe u bwanaloli! Lilino linga umwene itolo ikwata ikindikimo, ikyene kitisakubomba. Umma, umma, ikyo—ikyo kitisakubōmba, uswe tufumile ukuya nafyo fingi fya ifyo. Lōli une ngusanusya—lōli une ngusanisya ukubonekela kwa banabalumiana ba Kyāla, bo Kyāla ikwibonesya Mwēne kangi Umwene ikuntuma umwene panja. Kangi polelo umwene ikubũka panja, kangi iki umwene ikuyoba kyo Bwanaloli. Iki umwene ikubomba bo Bwanaloli. Iki umwene ikubomba, umwene ikubonesya Kristi. Ngimba ugwe kundonga umwene bulebule? Mu njila yīyo umwene ikwimĩla ni Lisyu, ukutalusya ni Lisyu. Muketile, umo mo mũmo ugwe kumanya abāndu bōsa, mo mũmo umwene ikwĩmĩla ni Lisyu. “Linga abēne bikuyoba kisita kufwana ni Lisyu, bukayamo nu Bũmi mu bēne,” likuyoba i Bāngēli. Muketile? Baleka abēne kubutali.

160 Lilino unko uswe tubale, polelo uswe—uswe tukufimbilisigwāga ukwĩma, ’nongwa yakuti akabalilo kītu kakubopa. Umma ndaga, mu linandi lya 10, pamo ilinandi lya 9, ndigi.

*Bo amanyisye kwa uswe ikyakubutĩtu kya bwĩgáne
bwāke, (ukutufwĩka uswe) ukufwana nu bwĩkyéle
ubununu bwāke ubu umwene ābĩngilile mwa yumwēne:*

161 Umwene āliganilepo iki Mwēne, bo lukāligwa ulwālo lwa
kĩsu. Balinga bikupilikisya ikyene? Muketile?

Ukuti nkati ntubalilo . . .

162 O, mwe, apa uswe tukwisa kangĩ! Huu! O, unko—unke—unke
uswe itolo tukikilania ikyene, muketile.

. . . ntubalilo twa būfwáne bwa kabalilo . . .

163 Ngimba umwe mukwitika mu tubalilo? Bāngeli liyōbile lūlo,
“Ntubalilo twa bufwāne bwa kabalilo.” Ngimba ubufwāne bwa
kabalilo kyo fiki? Kālipo akabalilo ka, ena, kālipo akabalilo ka
Lulagilo Lwamōse. Kālipo akabalilo ka—ka—ka Yohani u Mōsi.
Kālipo akabalilo ka Kristi. Kālipo akabalilo ka kupāngānia
kwa kipānga. Kālipo akabalilo ka konelela panja kwa Mbepo
Mwikemo. Lilino ko kabalilo ka kufwĩkĩgwa, iki i kĩsu
kikugũlĩla, ukukoloma. “Kangi akabalilo kāko ubufwāne bwa
kabalilo bukwĩsa, akabalilo kāko akabalilo ka kufwāna kwa
kabalilo,” ngimba ukufwana kwa kabalilo kyo fiki? Akabalilo
kāko abafwe bikusyũka, bo ububine bukumalika, bo i . . . bo i
kĩsu kyōsa kikuleka ukukoloma. “Ukufwana kwa tubalilo twa
kabalilo.” Kētēsya iki.

*Bo nkati ntubalilo twa kufwana kwa tubalilo umwene
abagile ukubũngania palikimo mwa yumo ifindu fyōsa
mwa Kristi, . . .*

164 Ngimba umwe mukahoboka? Ngimba Umwene ikubombaga
bulebule ikyēne? Ukubũngānia palikimo ifindu fyōsa mwa
Ywani? [Ikilundilo kikuyoba, “Kristi.”—Nsimbi] Ngimba ugwe
kubũka bulele mwa Kristi? [“Nu Mbepo yumo.”] Nu Mbepo
yumo uswe twesa tōsigwe mu [“Mbili gumogwene”] Mbili
gumogwene. Kangi u Mbili gula go Mbili gwa Ywani? [“gwa
Kristi.”] Gulōngĩgwe gutalile. Umwene ālyēgile ubulongi bwĩtu.
Polelo tuli fiki uswe? “Akabalilo kāko Une ngukēta i [“Lilopa.”]
Lilopa, Une ngwisakubakilaniaga umwe.” Akabalilo kalikosa
Umwene ikukēta u Mbili, pala Ugwene gwitũgēsye pala,
gwālilōpa. Une ndi nkati mula bulele? U Mbepo Mwikemo.
Umwene itolo ikukilania pamwanya. O, mwe!

*Kangi bo ubufwāne bwa tubalilo twa kabalilo, ukuti
umwene abagile ukubũngānia palikimo . . . ifindu fyosa
mwa Kristi, fyosa-fibili ifi fili ku mwanya, . . .*

165 Lilino linga umwe mukulonda ukuyoba isya ngamu yimo,
uswe itolo tukwandaga pa kyene lululu ulu pa kabalilo. Kyōsa
ikikolo ku Mwanya kili ni ngamu ya ywani? [Ikilundilo kikuyoba,
“Yeso Kristi.”—Nsimbi] Kyōsa ikikolo nkĩsu kili ni ngamu ya
ywani? [“Yeso Kristi.”]

¹⁶⁶ Balípo abakíkulu bamo abanunu nkati muno, banunu, bakabi, abakíkulu banaloliloli, bakíkulu. Alípo yumoywene Nka. Branham, Nka. William Branham, umwene yo nkasi gwāngu. Umwene ikubūka ku kāya na une. Muketile, mwe bangi ba umwe mukubūka na balume bīnu.

¹⁶⁷ Kilípo kimokyene ikikulumba ikyābūmi i Kipanga kya Kyala gwabūmi, Umwene ikupimba i Ngamu Yāke, Umwene isusígwe na Mbepo Gwāke. Uko kotalusya. Une ndikuyoba. . .

¹⁶⁸ Une ndikutāga imbombo inunu, une ndikutāga ifipatala fyābo ni findu ifinunu abēne bikubōmba. Une ngwinogona ifyo fyo finunu, kangí sayo sya Kyāla ku bāpína, bundu ubukubilwe. Une ndikutāga ifindu fyosa ifingi ifi abēne bikubōmba. Finunu, ikyo kyo itolo kitalusye. Kangí ifyābo ifibugutila ifikulumba kangí amaelifu-elifu ga madola, une naloliloli kinunupo ngēte ikyo ukukinda ifilabu fya kunwela pa nguto, akabalilo kalikosa. Une naloliloli ngugīndíka abēne ukuya bāmbómbó bikwīma nkigemo.

¹⁶⁹ Lōli akabalilo kāko ikyēne kikwisa ukubūngānia palikimo ku bumalikisyo bwa kabalilo, ikyēne kisakugūlilāga ku bubonekeo bwa banabalumiana ba Kyāla, mu kala akabali-. . . ukuti Umwene abagīle ukubūngānia palikimo, bōsa aba batwalígwe mwa Kristi. Ngimba Kristi yo fiki? Balinga. . . Ngimba uswe tukwingila bulebule mwa Umwene? Bakorinti Bakwanda 12, “Nu Mbepo yumoywene uswe twesa tōsígwe mu Mbili gumogwene,” ugu go Mbili gwa Kristi, kangí tupeligwe ukuya balilani ba kikungilwa kilikyosa kangí ikindu kilikyosa ikinunu iki Umwene alinakyo. Ngimba uko kotalusya? “Kangí ikisu kyosa kikukoloma, kikukúta, kikugūlila ku bubonekelo ubu akabalilo kāko Kristi ni Kipanga Kyāke fisakwibungānia palikimo.”

Ikyo. . . akabalilo ka bufwāne bwa kabalilo. . . ukubūngania palikimo mwa yumoywene. . . mu fyōsa Kristi, fyosa-fibili ifi fili ku mwanya, kangí mu kīsu; kangí mp̄pe mwa umwēne: . . . kīsu; mōpe mwa umwene:

Mwa yūyo. . . uswe tukabīle ikilingo, . . .

¹⁷⁰ O, Nkundwe Neville, nswaga une panongwa ya kwēga akabalilo aka. Une. . . i lisyu lila “kilingo.” O-o-o-o! O, ilyene libagīle ukuya! O-o-o-o! Une mmenye Umwene. . . Umwene yo nkamu Nkundwe. Une ndiku. . . Une ngusūbila une ngaya gwakigili. Une—une—une itolo. . . Une ndikwinogona une ndi. Lōli, o, mwe! Ikifiki? “Ikilingo.” Uswe tukabīle i kilingo. Umunduyumo ikufimbilisígwa ukukulekela ugwe ikindukimo. Kyāla, bo u lwālo lwa kīsu lukālígwa, akulekīle ugwe ikindukimo. Ingamu yisīmbigwe pa Būku, ukuti akabalilo kāko u Kang’osi āgogigwāga ugwe kwiyaganiaga ni Lyēne. O! Unko uswe tupaye ikyo kuli nkilo iki. Unko uswe itolo tubale

ukukindilila itolo pakayabo kanini. Mwe, mwe! Ngimba uswe tukufikaga bulebule ku linandi lwa 3 ikilo iki, pamo untu gwa 3? Uswe tukaya nukuya namandi mana pamo mahano ukufumu mu iki. Lilino uswe tukwitendekesya ukwīgála, lōli, une mbagile itolo ukubala ilyene kangi ukukileka ikyene kibūkege.

Mwa yūyo mópe uswe tukabile i kilingo, ukuya . . .

¹⁷¹ Fiki? Ngimba uswe tukukaba bulebule ikilingo iki apa? Ngimba uswe tukukikaba bulebule? Panongwa yakuti uswe twendile nubugolofu? Ngimba uswe tukukaba bulebule ikilingo iki? Panongwa yakuti uswe tusunguligwe. Ameni. Whuu! Mwe bakundwe bāngu ba kiArminia, une mmenye ikyo kikafu fiyo. Une ndikulonda ukufulasya, lōli ikyene itolo kikumbōmbéla une ubununu ukumanya ukuti ikyene. . . Ugwe—ugwe—ugwe ukabile ikyēne, ugwe ukabile ikyēne, nkundwe, umma ndaga. Ugwe utikukibona ikyēne itolo. Ugwe ukikabile ikyene kifwene itolo. Muketile? Ugwe uli kanunu, muketile, ugwe uli kanunu. Muketile? Lōli, o, lōli ikyene kinunu fiyo ukukikēta ikyēne. Ena. Itolo bo iki Nkundwe Neville āyobīle ukufwana nu lukindi lwa pamwanya, mmayolo, “Iyegela gwimwene amafyukilo nukubūka ukusyungutula nukukēta iki ugwe ukabile.” Ena, nkulumba. Ikyo kyo iki Iki kiyīlīle. Mbepo Mwikemo gwa Kyāla yo mafyūkilo gītu ukutubūla uswe iki uswe tukabile. Muketile?

¹⁷² Muketile, i kilingo. O, mwe! “Ukuya . . .” Lo luko luki ulwa kilingo?

. . . ukuya basunguligwa ukufwana nu bwīgāne bwa umwēne uyu ikibōmba ifindu fyōsa ukufuma ku lufundo lwa bwīgāne bwāke:

¹⁷³ Akabalilo kāko Umwēne āli . . . bo Umwene akāli ukuya Bāba, bo Umwene akāli ukuya Kyāla, bo Umwene akāli ukuya Mpoki, bo Umwene akāli ukuya Mbumbulusi, bo fikāli fyōsa ifi, Umwene asūngulīle-ngānīla, ukubīka i Ngamu ya Kang’osi pa Būku, alinkukēta pāsi ukwisila mu kumanyila-ngāni Kwāke nukuyibona i ngamu yāko, ukuyibīka iyene pala yōpe. Ngimba ikyene kyo fiki? Ukukindapo akabalilo uswe tukwisa nkīsu, ukupāpīgwa na bapapi ababutulwanongwa; uswe tukwenda ukusyungutula pa kīsu, umwe mumenye. Ikindu kyākwanda umwe mumenye, bo yu yula unnini unJuda uniongala-mbulo, Pauli, umwe mumenye, kangī—kangī umwene abombelaga, kangī, ikindu ikyākwānda, i Kīndukimo kilinkuti, “Apa, apa, apa, apa, apa!”

Ugwe kuyoba, “O, Abba, Tāta!”

¹⁷⁴ Apa uswe tukwanda ukwisa, muketile. Ukusungulīla-ngāni uswe ku kilingo kyītu mwa Umwene, iki kyāsungulīgwe-ngāni kwa uswe. Muketile, uswe twālingīle ikilingo ikyēne bo u lwālo lwa kīsu lukāligwa. Muketile? O! Panongwa ya kulōnda Kwāke

Mwene ukubōmba u bwígáne ubununu u Bwāke Mwene, ikyo kyo katikati, ukuya Kyāla kangi Mpoki.

Mwa yūyo umwe numwe mwāsūbile, ukufuma ukuti umwe mwāpilike i lisyu lwa u bwanaloli, . . .

¹⁷⁵ Kangi Ywani yo Bwanaloli? Yeso yo Bwanaloli, u Bwanaloli bwa Nongwainunu. I Nongwainunu nki? Yilipo yimo yene itolo i Nongwainunu. Bagalatia 1, āyobíle, “Palema nalinga u Gwāndúmi ikulūmbilíla i nongwainunu yiliyosa iyingi, ndeke mwane ayege ngunígwa.” Iyi yo Nongwainunu, i Nongwainunu ya bupoki bwīnu; komma iyingi, yikayapo iyingi. “Nayimo—nayimo iyingi i ngamu yipígwe pāsi pa Kumwanya kūko umwe mukufimbilisigwa ukuya bapokigwa.” Loli mu Ngamu ya fiki? [Ikilundilo kikuyoba, “Untwa Yeso Kristi.”—Nsimbi] O, une!

. . .mwa yūyo . . .ukufuma ukuti umwe mwālítike, umwe mwāfungigwe . . .

¹⁷⁶ O, “Ukufuma ukuti mwālítike!” Ngimba uswe tubagíle bulebele itolo ukubopa pamwanya pa ikyo, nkundwe? Unko uswe tukileke ikylene itolo ku kilo iki, ngimba umwe mukuyoba fiki? O, mwe! Une—une itolo ngabagila ukubūka kōsa—kōsa kubutali ukukinda ikyo. Unko uswe tukileke ikyēne kya nkilo. Une itolo ngabagila ukukileka i lisyu lila “fungigwa,” mūmo ugwe kufika nkati mula, muketile.

¹⁷⁷ Ikilingo ukwisila mu kusūngulígwa-ngāni. Une nalingilikilingo ikindukimo. Ikilingo kiliku? Pāfimbilisigwāga ukuyapo umunduyumo ukundekela une ikilingo kimo. Fiki, ugwe kuyoba, “Yeso ākulekíle ugwe ikilingo.” Nalamba ugwe unswege! Yeso akālindekilémo une siku i kilingo, Yeso akālekilémo siku ugwe i kilingo; Umwene ālísíle itolo pāsi nukuhomba panongwa ya kilingo kyāko, ukukutwala ugwe ku kilingo kyāko. Lōli i ngamu yāko yābíkígwe pa Būku gwa Būmi gwa Kang’osi bo ulwālo lwa kīsu lukāligwa. Kyāla ākupéle ugwe ikilingo kyāko. Ikilingo kyāko kyāli kyākwānda. Yeso ikwisa pene. . .Bīngi, apa po yo njila abēne bikugela ukutendeka ikyēne, “Kyāla ikuyoba, ‘Ena, balipo abandu bīngi aba basobile. Akayapo nayumo uyu isakupokigwaga, popāpo Une ngutumaga Yeso pāsi kangi lumo pamo Umwene isaku. . . umunduyumo ikwipilikaga ubusulumanie, nukumanya iki une mbōmbíle nukupokigwa.’” O, kisa! Une ngābagíle ukwendesya i bofesi yāngu bo ulo, pópe palema nalinga une ngwendesya nubupina iyene utubalilo tumo. Muketile? Une—une ngābagíle ukubomba ikylene bu ulo. Po bule Kyāla?

¹⁷⁸ Kyāla, ukwisila mu kumanyila-ngāni Kwāke, āketíle katikati uyu isakupokigwaga kangi uyu atisakupokigwaga, Umwene ātumíle Yeso ukupoka bābo aba Umwene ātalíle āsalíle. Ngimba Pauli akāyobíle, amandi mahano kunyuma kwa iki, ukuti, “Umwene ātusalíle uswe mwa Umwene bo na kula kukāliko ni kīsu”? Ikyo kyo kilingo kyītu. Kyāla ātusalíle uswe, kangi

ukummwitikisya Yeso ukwisa nukuhomba untengo. Ikyo fiki? Ukōna Kwāke kwa i Lopa Lyāke, ukuti nu butulwanongwa nabumo bukubaligwaga kwa uswe. Nakimo iki ugwe kubōmba. Lōli linga ugwe. . .

179 “Yūyo ikonanga pabwīgāne ukufuma pa kwāmbilīla ubumanyi bwa Bwanaloli, pakayapo kangi ilikemo.”

180 Lilino, kangi apa po pāpo ugwe kwisakufyuka kangi, ukuyoba, “Bule apo, Nkundwe Branham?”

181 Lōli itolo kumbukila, muketile, “uyu āmbilīle u *bumanyi* bwa Bwanaloli.” Abēne bakālyambililēmo siku u Bwanaloli, abēne balyāmbilīle itolo ubumanyi bwa Ilyene. Muketile? Ikyene kyo kisitakubōmbīgwa ku bābo aba akabalilo kamo bamulikigwe, ukupeligwa balilansi ba Mbepo Mwikemo, balyonjile a maka ga i Lisyu ilinunu. Itolo bo bala abitiki bamumpaka kunyuma kula. Popāpo bīngi bansimbīle une abakalata pa ikyo.

182 Abitiki bamumpaka bala bālyēndīle palapala pamwanya pala, Yoshua na Kalebu bābūkīle palapala ukukilania pala. Fiki? Lilino uswe tukukolelaga ikyo u Mbepo Mwikemo, ikisu panja pala. Apa abēne bali kunyuma *apa*. Pamo pamwanya *apa*, yoba *uyu* yo Mbepo Mwikemo, kangi abēne bali kunyuma panja *apa*, umwe muketile. Apo po pāpo u lufingo luli, po *pala*. “Ena, linga abēne bābagīle ukutuma abatendeli kalongo, yumo ukufuma mu kikolo kilikyosa, ukuti twesa uswe fikolo tubagīle ukumanya iki ikilingo kyītu kili, kūko bosa bisakubīkīgwāga ukukilania kula, kūko uswe twisakubīkīgwa.’ Popāpo, une nguyaga pakutuma abatendeli bamo.”

183 Abēne bōsa bāfikīle kwisilya kula, “O, mwe! Umma. Uswe tukukōleligwāga babunguluka-bikemo, ukufuma pala ukubuka nkyeni. Umma, haa-aa, uswe tukābagīle ukubōmba ikyo.” Muketile?

184 Yoshua na Kalebu balinkuti, “Une ngwakukētāga iki ikyene kikubonekela.” Popāpo abēne balinkwisa ukukilania apa nukukēta ukusyungutila. Mwe, abēne balinkufika pamwanya pala kangi ukutumula ikipamba ikinywamu ikya gyalī mipesa gyābo nukugomokela pāsī. Balinkuti, “Balumiana, umwene ali kanunu, umwene yo itolo ali kanunu! Apa, ega gimo mwa igyene, igyene gyo naloliloli minyafu!”

185 “O, ikyo kyo kinunu, lōli, o, kēta fila ifinywamu. . . O, uswe tukābagīle ukubōmba ikyēne. Ima ukulwana na fyōsa fila ifipanga-fipāgūke ifinywamu, fyōsa ifindu ifinywamu fila? O, ikyene kyo kibībi fiyo, uswe tukabagila ukubomba ikyene. Umma, nkulumba! Kisita kupasya yo ywani umwene ali, uswe tutisa. Umma, nkulumba.” Kangi abēne balinkwanda ukuyoba, “O, unko uswe tugomokele ku ndeko sya nyama isya Igupto. Uswe kyāfwene itolo nukusyala pāsī pala. Uswe tukabagīle

ukubomba ikyene, u nsebwe ugu mfinyu fiyo. Uswe tumenye uswe tukabagila ukubomba *iki*, uswe tukabagila ukubomba *kila*.”

¹⁸⁶ Ugwaiyolo Kalebu alinkuti, “Yaga kimyemye, mwesa bwa umwe!” Yoshua alinkuti, “Kiba, aligwesa gwa umwe! Unko une njobe ikindukimo.”

¹⁸⁷ “O, asee, asee, asee, uswe tukabagila ukubomba ikyene! O, uswe tukabagile. Ena, linga une nafimbilisigwaga ukuleka isekelo syangu sya makadi, Nkundwe Branham! Linga une ngwifimbilisigwa ukusileka inywili syangu ukukula panja ngati u nkikulu yumo unkangale, une itolo ngamanya isyakubomba. Linga une ngufimbilisigwa ukufula utubundu twangu utunini, une—une—une, mwe, une itolo ngabagile, umwe mumenye. Kangi linga une ngusilekaga ingambo syangu, linga une nafimbilisigwa ukubomba ikyo!” Ugwe gwe ndondo kyakwegelelapo kyamatingo. Ena. “Itolo ngabagila ukubomba ikyene.”

¹⁸⁸ Yoshua alinkuti, “O, ikyene kyo kinunu. Haleluya! Uswe tubagile ukwega ikyene.” Ngimba ikyene kyali fiki? Abene baketaga utwaya utunywamu utu twasingililigwe ni mbaso. Kangi Yasha na Kalebu baketaga ku lufingo Kyala atendike. Ima ni Lisyu, kali gwe ywani ugwe. Ima ni Lisyu!

¹⁸⁹ Kabuno Peteri ayobile, “Pinduka, aligwesa gwa umwe, nukosigwa mu Ngamu ya Yeso Kristi ku busyule bwa mbibi syinu, namanga ulufingo ulu luli kwa umwe,” (kyo Kisu ikifingwe nki?) “kangi ku bana binu, kangi kuli abene aba bali kubutali, bope na bubwingu mumo u Ntwa Kyala gwitu isakukolelaga.”

¹⁹⁰ Komma ukukyitikisya iki kibabege, twikigala, nalamba komma. Muketile? Mwaketa lelo umwe ba Pilgrim Holiness na baNazarene, umwe mwisile mulamula mulukemesyo, ukwenda ukufika itolo apa pa buyo papo umwe mwaketaga na gimipesa, kangi polelo nukusanuka nukugomokela. Mwaketile iki kyabonike? Ikyo kyo iki kitamisye, umwe mukakilenie ukubuka nkisu kila mma. Nangisya une un’Nazarene pamo um’Pilgrim Holiness yumoywene, pamo aligwesa gwa bene pa fundo syaamwisyugu, ukuya ni sasanio sya bubumbulussyo ni fimanyilo ni fiswigo fibombigwe. Nangisya une yumo. Umwe mwitugese pasi na Igupto, mwagomokile ku ndeko sya fitungulu. Umwe mwalimile pa Kardesi-Baraneya. Uko ko kutalusya.

¹⁹¹ Ketesya, kangi unko une ngupepo ugwe u buyo bwako, mwa Bahiburi untu gwa 6. “Kabuno ikyene kyo kikabagiligwa ku bene babo bali akabalilo kamo bamulikigwe,” umwe mwamenye kanunupo. Linga umwe mukamanya, umwe mumenye lilino. Muketile? “Kangi bapeligwe ukuya balilanisi, kangi balyonjile ifikungilwa fya Kumwanya.”

192 Bālyonjīle, muketile. Abāndu bikubuka kukipanga, nukwītugāsyā ukusyūngutīla nukuyoba, “Ugwe umenye, abene—abene babagīle ukuya batalusye. Ikyo—ikyo—ikyo kibagīle ukuya kitalusye. Ikyene kibagile ukuya kifwane, loli une ngukubula ugwe, ndumiana, ikyene kikwēgēla u lwītīko lwīngi ukubomba ikyo.”

193 “Balyonjile ifikungilwa fya Kumwanya, kangī balyegile i Lilopa lya lwitikano ukuya ‘kindu kisitabwikemo,’ iki umwe mwakemesigwe.”

194 Bo undumbilili, unna ikuntuma umwene. Umwene ikuti, “Une ndinako ukukoleligwa ukuya mbombi gwa Ntwa.”

195 “Umma ndaga. Ikindu kyakwanda une ngufimbilisigwa ukubomba ko kusuka imyenda nukuhombigwa, lūki, kangī une ngukutumaga ugwe ku sukulu yimo.” Ikindu ikinyali ukukinda iki umwene ābombilēmo siku. Uko ko kotalusya. Abene bisakosōsyāmo fyōsa ukufuma mwa umwene ifi Kyala ikugela ukubīka mwa umwene. Polelo, lilino kētēsya.

196 “Namanga linga uswe tukutulwa inongwa nubwīgāne, nubwīgāne ukufuma pāpo uswe twāmbilīle ubumanyi bwa Bwanalōli, u bumanyi. Mukete ilyene mu Lisimbo kangī mumēnye ukuti ili Bāngēli likuti Umwene yo yulayula mmayolo, umwisyugu, kangī na bwilanabwila. Mukukēta Ikyo, ubwene bo bumanyi bwa Bwanalōli. Ukukēta ikyēne, uswe tukusyumbutuka ukusōkapo, nukulyēga i Lilopa lwa lwitikano. . . .”

197 U nnyāmbāla ikuyoba, “O, ena, une ngwitika mwa—mwa Kyāla.” Umma ndaga, ugwe utēndike ilikato lyākwānda.

198 “Naloliloli, une ngwitika mu bukemesigwe.” Umma ndaga, ugwe uli pa mpaka, palapala pamwanya apa gwītendekisyē ukwāmbilīla Mbepo Mwikemo. Lōli ugwe kukēta ukukilania kangī kuyoba, “Une—une—une ngamanya isya ikyo. Linga une nāfimbilisigwāga ukubōmbēla bo. . . Umma. Une ngamanya. Ugwe umenye iki bikubakōlēla abandu bala? Uu-huu, une ngamanya kali une nābagīle ukubōmba ikyo pamo mma. Umma, une ngusūbīla une ngukindililāga nukwingila. . . ? . . .” Muketile? Muketile?

199 Kangī umwe mumenye iki kyābonīke? Umwene āyobīle, “Ikyēne kyo kikabagila ku bēne ukwīngilamo nkati siku.” Abēne batulilw’inōngwa yakusōkāpo ilisiku lyābo ilya ipyana. Ili Bāngēli lyāyobīle lūlo. Une mmenye ikyo kyo magengelemia, loli i Bāngēli lyāyobīle, “Bōnjīle ifikungilwa Fyakumwanya, nukulyēga i Lilopa lya lwītīkāno mu lūlo. . . .”

200 Abēne bikuyoba, “Une ngwitika mu bukemesigwe, ubununu, ubwifyusi, ubūmi ubwikemo.”

201 Naloli, lōli ugwe, akabalilo kāko ugwe kukēta u lōsyo lwa Mbepo Mwikemo, kangī u lōsyo na fyōsa ifindu ifi mwi Bāngēli,

kangi ugwe ubōmbīle fiki? Ugwe ulyēgīle i Lilopa lya lwītīkāno mu lūlo ugwe gwakemesīgwēmo, i kindu “kisita-bwikemo.” Ngimba kyo fiki nkīsu iki kyākutwēle ugwe pamwanya apa, nnyāmbāla? Ngimba fiki . . . ? . . . Ngimba fyo fiki fyakukyungīle ugwe ukufuma ku kuya ntulwanongwa gwa pāsi-pāsi? Ngimba kyo fiki kyālyegīle ubutulwanongwa ukufuma mbūmi bwāko, nu kukwesa nu kunwa, na bakīkūlu ni findu ukufuma mbūmi bwāko, ifi fibabagisenie ukuya pala? Ngimba fiki kyābombīle ikyo? I Lilopa lya lwītīkano! Polelo ugwe kusegelela kifiki ukufwana ukōnja imipesa ukufuma ku Kīsu ikingi, nukuya nisoni ni Nongwainunu, ukutila ikipanga-kipāgūke kyāko! Kyāla yaga ni kisa! Ena, nkulumba. “Balyēgīle i Lilopa lya lwītīkano ukuya ‘kindu kisita-bwikemo,’ kangi ukubōmba ukulwana ni mbombo sya ipyana. Ikyēne kyo kikabagila kwa umwēne ukwingilamo siku nkati nKīsu kila.”

²⁰² Fiki fyābōnīke? Une ngubalalusya umwe. Lilino, une ne mwēgelēsi, kangi u mūndu aligwesa uyu amenye i Bāngēli yo mwēgelēsi. Ngimba yumo mwa banyāmbāla bala bātīkulēmo siku i kīsu ikifingīgwa kila? Nayumoywene gwa bēne. Ywani ābōmbīle ikyene, ywani abūkīle kwīsīlya kula? Bala aba bābukile pakwānda, ukugomokako kangi bāyobīle, “Uswē tubagile ukwega ikyene, uswē tubagile ukuya nu Mbepo Mwikemo panongwa yakuti Kyala āyobile lūlo! Peteri āyobile pa Lisiku lya Pentekosti, linga une nābagīle ‘ukupindika nu kōsīgwa mu Ngamu ya Yeso Kristi,’ Une mbagīle ukwambilila u Mbepo Mwikemo, ulufingo luli kwa une. Une nītendekīsye ukubōmba ikyēne. Lwāngu, u lufingo lo lwāngu.” Umwe nukupilikisya ikyene? “Lilino u lufingo lo lwāngu. Une ngwambilīla ikyēne, ulwene lo lwāngu. Nalōli ulwene luli.” Abēne bāli bo bēne itolo.

²⁰³ “O,” ugwe kuyiba, “lōli, Nkundwe Branham, mu busyuke!” Abēne batisakuyāko kula. “O, abene batisa nakamo?” Umma, nkulumba. Yeso āyobīle.

²⁰⁴ Abēne balinkuti, “Kangi Ugwe kwipela Gwimwene ukuya nkulumba bo yu Mōse, kangi Ugwe gwāyobīle Ugwe gwāli, Ugwe ‘gwalimbwene Abraham.’” Kangi umwene alinkuti, “Kangi—kangi—kangi—kangi Abraham āli mfwe! Fiki, Ugwe ukaya mma—Ugwe ukaya mma nukukinda ifyinja malongo mahano mbukusi, kangi Ugwe uyobile Ugwe gwālimbwene Abraham?”

²⁰⁵ Umwene alinkuti, “Bo Abraham āli, UNE YONE.” O, mwe! U “UNE YONE,” njepo-bwila, Kyala Gwasyēpwa. Komma mmayolo, komma kilabo, “UNE YONE.” Muketile? Kyala njepo-bwila, u Elohim, “UNE YONE.” Polelo abēne balinkumpimba . . . Abēne bayaga pakungoga Umwene lelo.

²⁰⁶ Umwene alinkuti, “Ena, abatāta bitu bālile manna ndulangalanga ku fyinja malongo mana. Kyala āgwīsīsyē u nkati palapala pāsi ukufuma ku Mwanya nukubalyesya abēne.

Abēne bābukaga ku kipanga kangi abēne bakipanga banunu ku fyiŋja malongo mana. U Māma gwangu unkāngale āfwīle munomuno nkipanga iki,” kangi kilikyosa bo ikyo. “Abatāta bāngu bālīle manna ndulanga ku fyiŋja malongo mana.”

²⁰⁷ Kangi Yeso alinkuti, “Kangi abēne bo aligwesa gwa bēne bafwīle.” *Bafwīle* kokuti “ukupāgūlīgwa kwa Syēpwa.” “Abene bo aligwesa gwa bēne bafwīle. Lōli Une nguyoba kwa umwe, ukuti Une ne Nkati gwa Būmi ugu gufumile kwa Kyāla ukufuma ku Mwanya. U mūndu ikulya u Nkati gwa Mbepo ugu, umwene ali nabo u Būmi bwa Syēpwa kangu umwene akabagīla ukupyūtīgwa. kangi Une ngwisakususya umwene mu lisiku lyabumalikisyo.” O, nkundwe, ngimba Umwene akaya nswigisye?

Ngimba Umwene akaya nswigisye, nswigisye,
nswigisye?

Ngimba Yesu Ntwa gwiŋu akaya nswigisye?

Amaso gaketile, imbulukutu sipilike, iki
kisimbīgwe mu Lisyu Lyāke;

Ngimba Yeso Ntwa gwītu akaya nswigisye?

²⁰⁸ Ngimba uko ko kotalusya? Uswe tukukēta u Mbepo Gwāke unketa-ndumbula ikubūka ukukinda pakati pitu. Uswe tukuketa Umwene ikubōmba ifika ni fimanyilo ni fiswīgo. Uswe tukupilika Ilyene lisimbīgwe mulamula ukufuma mu Lisyu apa, umwe mukulibona Ilyene likusisimikisigwa papapa panja pala. O, mwe!

Amaso gaketile, imbulukutu sipilike, iki
kisimbīgwe mu Lisyu Lyāke;

Ngimba Yeso gwangu gwakuswigisya?

²⁰⁹ Mu agangi amaminiti mabili, pamo matatu, pisakuyangapo ulōsyo lwa mmisi lukubōmbīgwāga apa. Kangi lilino abēne aba bikōsigwāga, unko abakīkūlu babūke ukukilania *apa*, kangi abanyāmbāla ukukilania pa lubafu *ulu*. Kangi lilino abanyāmbāla ku kimama kyangu, ukukilania *apa* pa lubafu *ulu*. Kangi abakīkūlu ukukilania *apa*. Bisakuyangamo aba kalumbu nkati mula ni myenda bitendekisye. Kangi linga unyāmbāla aligwesa pamo unkīkūlu aligwesa apa ulubunju *ulu*, uyu atobesigwe ukuti ugwe kwitika mu Lisyu lya Kyāla, kangi ugwe kwitika ukuti Kyāla ikukyunga ulufingo Lwāke, ukuti linga u nnyāmbāla isakupinduka mosa-na-mosa ukufuma ku mbibi syāke syōsa. . . Lilino, i Lilopa likabōmba ikindu kimo mma tāsi. Umma, ikylene kyo itolo u lwītīko lwāko mwa Kyāla. Kangi Kyāla ikukōlēla, itolo, “Fuu, fuu, fuu!” ikukukōlēla ugwe, ikyo kyo iki kikubōmba ikyēne lilino, “Fuu, fuu!”

“Une ngōsigwamo siku.”

“Fuu, fuu!”

“Ena, linga une itolo mbagile ukwanda kangi ukubomba nubukindáne.”

“Fuu!” Ikyo, ikyo kyo kinu, andako, polelo—polelo ugwe bōmba nubukindáne ukufuma pāpo ugwe utendike ukwanda kwāko. Muketile? Ugwe kufimbilisigwa ukusyumbutuka, andako, muketile.

Ugwe kuyoba, “Mulimosa, une—une—une ngakibonámo siku ikylene ukuya itolo bo lula.”

²¹⁰ Ena, nkundwe gwempala, une ngulonda ugwe ukunāngisya une i Lisimbo limolyene kūko u mūndu aligwesa. . . Une nkitwele iki ku fynja malongo-matatu-na-kimo ifya butumigwe ukusyungutila i kisu, pankyeni pa babishopu na bosa bo abo, kūko u mūndu, u mūndu yumoywene alyōsigwémo siku mu njila iyingi yiliyosa ukukinda lōli mu Ngamu ya Yeso Kristi. Kangi aligwesa uyu akālyōsigwe mu Ngamu ya Yeso, āfimbilisigwága ukwāsa nu kōsigwa kangi mu Ngamu yila.

²¹¹ Kyāla āli ni Ngamu yimoyene itolo, kangi i Ngamu Yāke yo Yeso. Uyo āli Mwanundumiana Gwāke, Umwene ālyēgile i Ngamu ya Mwanundumiana Gwāke. Kyāla! Lilino, Yeso, u mbili gwa nnyāmbála. Uswe tumenye ikyo. Yula āli Mwanundumiana gwa Kyāla uyu ākupililigwe. Lilino uswe tutikwitika mu luko lwa bumobwene, abāndu aba bikuyoba Kyāla ali bo lōbe lwāko. Uswe tukwitika filipo fitatu ifyaku- . . . ifyakubāgilíla fya Kyāla. Ifyakubāgilíla fitatu fya Kyāla, Kyāla ikwibonesyámo. Lōli alipo Kyāla yumoywene. Muketile? Uko ko kutalusya. Uswe tutikwitika. . . Uswe tukwitika mu i—mu i. . . Unko une nkitendeke bo ulu, uswe tukwitika ukuti Kyāla ālitūgésye mbubombela-mbombo mutatu. Umwene āli nu bubōmbéla-mbombo bumo pa kisu akabalilo kamo.

²¹² Lilino, umwe bakikúlu būka ku lubafu *ulu*, kangu umwe banyāmbála būka ku lubafu *ulu*, aba bikwitendekesya. Kangi abēne bikwitendekesya ku lōsyo lilino.

²¹³ Kangi, lilino, Kyāla āli nu bubōmbéla-mbombo butatu. Bumo bwa ubwene bwākoleligwága Butāta, pamo akabalilo ka Tāta; ubūngi bumo bwakoleligwága u Bwānubulumiana; kangi ubūngi bumo bwakoleligwága Mbepo Mwikemo. Lilino, umwisyugu, ko kabalilo kaki—kaki aka Tāta ikubōmbelámo umwisyúgu? [Ikilundilo kikuyoba, “Mbepo Mwikemo.”—Nsimbi] Mbepo Mwikemo. Ngimba Umwene āli fiki mmasiku aga gakindilepo? [“Yeso.”] Yeso. Ngimba Umwene āli fiki mmasiku bo gakāli gala? [“Tāta.”] Loli ikylene kyāli itolo Kyāla yumoywene! Ngimba uko ko kutalusya? Umwene yo Tata, Mwanundumiana, kangi u Mbepo Mwikemo, ubutatu bula, ububōmbelámo-mbombo bula bwa Kyāla yumoywene. Kyāla yumoywene ntiga!

²¹⁴ Lōli lilino, Tāta yikaya ngamu, ngimba uko kutalusya? Une ngulonda ukubalálúsya umwe. Lilino une ngulonda ukubapa

umwe Matai 28:19, kũko Yeso āyobĩle, “Bũka umwe polelo, manyisyaga ifikolo fyōsa, bōsyaga abēne mu Ngamu,” (N-g-a-m-u) “Ngamu ya Tāta . . .”

²¹⁵ Lilino une ngulonda ukukēta mũmo umwe mulimanyile kanunu i Lisimbo lyĩnu. Mbula une akabalilo kākō une ngusōkāpo pa bugolosye. Kangi Umwene alinkuyoba ku bene, “Buka umwe nkisu kyosa, ukulumbilila Inongwainunu ku kipeligwa kilikyosa. Uyu ikwitika kangi ikosigwa isakupokigwaga. Umwene uyu atikwitika isakutagigwaga. Ifimanyilo ifi fisakukongaga abene aba bikwitika. Mu Ngamu Yangu abene bisakusosyaga imisetano,” Ngimba isyo syabwanaloli? “ukuyoba mu ndimi imbya, ukupimba mwanya injoka.” Lilino une nguyaga pakwandisya kwa umwe, Matai . . .

²¹⁶ Lilino pilikisya. Une ngulālũsya ugwasymbukũlu aligwesa. Lilino iki kili pa tepi, iki kikubũka ku kĩsu kyōsa. Une ngulālũsya umfunda-syambukũlu aligwesa ukwisa kwa une nukundwālĩla une ubusĩmbe bulubosa ubwa Lisimbo, ubusĩmbe bulibosa bwa Lisimbo pamo mma i Lisimbo, ubusĩmbe bulibosa bwa Lisimbo pamo umfunda-syāmbukũlu aligwesa, ilinandi lililyosa lwa syāmbukũlu uyu nasiku ānāngĩsye ukuti umProtestanti aligwesa, ukuti aligwesa alyosigwemo siku mu ngamu ya “Tata, Mwanundumiana, Mbepo Mwikemo” mpaka i kipanga kyaKatolika kyalitikisye ikyēne mu Lukomano lwa ku Nicene. Lilino ikyo kili pa matepi, ikyene kikubũka ukukilania i kĩsu, injobelo malongo matatu na ihano na ibili agene gikusanusigwamo. Une nisakuhomba injila yāko ukukilania inyānja. Uko ko kotalusya. “Tāta, Mwanundumiana, na Mbepo Mwikemo” kyo kimanyisyo kyabutungulu, ikimanyisyo kya Katolika ikisyobi, kangi lukaya lōsyo lwa Kikristi. Katalusya! Luteri alutwele ulwene ukufuma ku kipanga kya Katolika, na katekisimu, Wesley ālwegelile ulwene nu kwisa nalo. Lōli ili lyo lisiku ilya bubonekelo bwa banabalumiana bwa Kyāla, akabalilo kākō isyambutĩtu isi syāfisigwe ukufuma ku lwālo lwa kĩsu sikipeligwaga simanyigwe. Iyi yo sala. Naloli.

²¹⁷ Kumbukilaga, akalimo siku u mundu yumo mu i Bāngelĩ uyu ālyosigwemo siku mu ngamu ya “Tāta, Mwanundumiana, Mbepo Mwikemo.” Ku finyinja bamia batatu ukufuma pa bufwe bwa ntumigwa gwabumalikisyo, akālĩpo nayumo na yumoywene ālyosigwemo siku mu ngamu ya “Tata, Mwanundumiana, Mbepo Mwikemo.” Abēne bālnalyo . . . Une mbalile gosa-mabili *Pre-Nicene Fathers, The Nicene Council*, kangi ukufuma pala abēne bapangēnie iki abēne bikukōlēla i “kipanga kya Kikristi kya nkĩsu-kyōsa” nukutendeke ikipanganio ukufuma ku kyēne nukugũtila abāndu bosa ku kyene, iki kyo kyāli kipanga Katolika. I lisyu lilalila ilya *katolika* kokuti “kyankĩsu-kyōsa,” i kipanga kya Kikristi kyankĩsu-kyōsa, kĩsu-kyōsa, ikipanga kimokyene ukukupilila i kĩsu-kyōsa. Kangi i Kikristi iki, abēne bikubagũtila abāndu ku kyēne. Nkati mula abēne balitikisye,

abêne babongotwile pāsi Venus nukubikápo Maria. Abêne babongotwile pāsi Pauli. . . pamo Jupiter, nukufyusya Pauli. Ikyene kikāli kyāpānja! Kotalusya. I kipanga kya Katolika kyāsōkile ukufuma kula, kangi ukufuma ifyinja ba mia bahano. . .

218 Abêne bali nu lukino lukubōmbigwa mu Louisville lilino, ulwa *Ben Hur*. Abêne bāli na *Ingomelesyo Kalongo* pakaya patali mma. Une ngunyonywa abêne angali bālyegilēmo lumolwene ulwa, linga abêne babagile, ulwa fyinja elifu na bamia bahano ifya ngulilo ya ngīsi. Une ngunyonywa abêne angali balubike ulwene lukinege. Ifyinja elifu yumo na bamia bahano ifya bupyuto bwa bāpānja, akabalilo kāko abêne bafimbilisyaga aligwesa nukubāika abêne kubufwe, ukugoga abêne, ukupita abêne. Ukubika i ngambako pa yumo kangi i ngambako pa yungi, kangi ukubatendeka abene pamo ukufipa i kipingika pamo ukwanda yumo kubwa kuno pamo kubwa kula. Une mbikile ikiboko kyāngu, kulakula ku Switzerland, kunyuma ku mbanda kūko abêne bimaga pala nukutumula indimi syābo panja nukubakōléla abêne balosi na filifyōsa ifingi. Uko ko katikati kotalusya. Kotalusya!

219 Kangi iyo yo mbepo yilayila yilimo umwisyūgu. Ulwene lo itolo lulagilo ulu lukikōléla iyēne pāsi. Gūlila mpaka iyēne yikukaba ubwābūke bwāke. Ili Bāngēli lyāyobile lūlo. Gūlila itolo mpaka iyēne yikunāngīsyā ilangi syāke, iyēne yikukaba ulusako ukubōmba. Umwe mubagile ukubomba ulusalo ya iyēne naloli kifuki, ku fyōsa ifi une mmenye. Muketile? Iyēne yikubombaga, iyēne yikwisaga. Yikayapo ni njila nayimo iyakuyikolelela iyene kula. Iyēne yikufimbilisigwa ukwisa. Uko ko kotalusya. Iyēne yikufimbilisigwa ukwisa, iyēne yikwisa. Popāpo akabalilo kāko iyēne yikubōmba, ugwe itolo kētēsya. Lōli, nkundwe, ugwe kulonda ukumanya iki ikindu kimokyene, une mmenye Yūyo une nītike. Haleluya! Ukukūya mulamula munkyeni. Muketile. Ikyo kyo ikyēne.

220 Kalipo a kabalilo kāko i—akabalilo kāko u nsīmbi, akabalilo kāko une nālimbūlile u nsīmbi gwa Lam-. . . Lamsa—Bāngēli lya Lamsa, akabalilo kāko umwene ākētīle nukukibona ikimanyilo kyaiyolo kya Kyāla, itolo katikati ukuti katikati, ututonyesye utunini tutatu mu lyēne, Une ndinkuti, “Ngimba uto to fiki?”

Umwene alinkuti, “Uyo yo Kyāla mu fyakubāgilila fitatu.”

Une ndinkuyoba, “Bo yu Tāta, Mwanundumiana, kangi u Mbepo Mwikemo?”

Umwene alinkuketesya kwa une. Umwene alinkuti, “Ngimba ugwe kwitika ikyo?”

Kangi une ndinkuti, “Ena, nkulumba.”

221 Umwene alinkuti, “Une nakubwene ukumanya-minogono kula ikilo kimo, une nālinogwine ugwe gwāli nsololi gwa

Ntwa.” Alinkuti, “Kyāla akusaye indumbula yāko.” Alinkubika ulukōngi lwāke ukusyungutila une, alinkuti, “Lilino une mmenye ikyēne kili.” Umwene alinkuti, “Abāndu ba kiMerika aba bakakimanya nukuti fiki.” Alinkuti, “Abēne bakamanya pōpe nakimo.” Alinkuti, “Abēne bikugela ukwēga i Būku lya Kubusōkel’ilisuba nukulipela Būku gwa Kubwingilil’ilisuba ukufuma ku Lyēne. Abēne batikulimanya ni li Bāngēli lyābo.” Umwene alinkuti, “Yikayapo nayimo i Ngamu iyingi yipēgigwe pāsi pa Kumwanya, nayimo Ingamu iyingi, kabuno aligwesa alyosigwemo siku mu Ngamu ya Yeso Kristi. Kikayako ni kindu kimo bo abandu batatu mwa Kyāla yumoywene.” Kangi uyo yo Nkundwe Lamsa, Doctor Lamsa, u nsanusi gwa i Bāngēli lya Lamsa, uyu yo mwinake gwapandumbula gwa Eisenhower na bosa abakulumba abimilili ba kīsu, na filifyosa ifingi, alinkusōpa ingongi syāke ukusyungutila une, alinkuti, “Ilisiku limo abēne bisakukutusulilāga ugwe panongwa ya ikyo. Lōli,” alinkuti, “kumbukilāga, abāndu bosa bala bikufwa pa nongwa yimo.”

²²² Une ngulonda ukuya bo akabalilo kāko Peteri gwaiyolo ābīkigwe mmnyololo. Ālipo u ndumiana unnini gwaiyolo nkati mula kangi umwene āli nu lutende mōsa. Kangi umwene alinkuti, “O, fyo fiki fitamisye?”

Alinkuti, “Ugwe umenye ugwe kugogigwaga?”

Peteri alinkuti, “Ena.”

Umwene alinkuti, “Mulimosa, ugwe kuyaga pakufwa umwisyugu.”

Umwene alinkuti, “Ena.”

Umwene alinkuti, “Ena, abēne bo—abēne bo...ngimba ugwe akaya nu lutende?”

Umwene alinkuti, “Umma.”

Umwene alinkuti, “Ugwe ubagile ukuya yumo mwa bala abēne bikubakōléla Bakristi.”

Umwene alinkuti, “Ena.”

Alinkuti, “Ngimba fiki fyabonike?”

²²³ Kangi umwene alinkumbula umwene, umwene alinkwitūgāsyā pāsi nukumbula umwene akapango kala. Kangi bo akene kakukindilila, ukwisa pāsi, umwene alinkuti, “Kangi une āngāli ndimwābūke ulubunju ulu. Une āngāli mbukile nukwīngila fimo mwa fipanga-fipāgūke fyābo nukuya mūmi nukukindilila, uketile. Une āngāli ndimwābūke. Lōli une ndinkwandako pa kipata kya kāya aka, kangi une ndinkumbona Yumo ikwisa, ikwīngila muno. Une nāmenye Uyu Umwene āli. Une ndinkuti, ‘Ntwa, ko kugu Ugwe kubuka?’ Umwene alinkuti, ‘Une ngugomokela ukwakukomeligwa kabubili.’” Alinkuti, “Une ndinkugomokela kunokuno itolo.”

224 Itolo akabalilo kala abēne balinkuti, “Ingamu ya Simoni Peteri yo ya ywani?”

Alinkuti, “Apa une ndipo!”

Alinkuti, “Uswe twitendekisye kuli ugwe.”

Alinkuti, “Une nābagūlilāga umwe.” Alinkwenda palapala ukukinda panja.

225 Undumiana yula alinkupalamasya umwene pa kibega, kangi alinkuti, “Gūlīla i miniti, Simoni; une ngwitikisya u Kyāla yula nīne! Kangi lilino une ngaya nu lutende mma; unko ubwāngu buyege bo bukonge.” Uko ko kotalusya. Haleluya!

Yikumulisya . . . Iyene yikusulula ni lilopa, ena,
iyene yikusulula ni lilopa,
Inongwainunu ya Mbepo Mwikemo iyi
yikusulula ni lilopa,
Ililopa lya bafundigwa aba bāfwilīle u
Bwanaloli,
Inongwainunu ya Mbepo Mwikemo iyi
yikusulula ni lilopa.

Ugwakwanda pakufwila ulubatiko lwa Mbepo
Mwikemo ulu,
Āli Yohani u Mōsi, lōli umwene āfwīle bo
mūndu;
Polelo ālisīle u Ntwa Yeso, abēne bālinkomile
Umwene,
Umwene ālūmbilīle ukuti u Mbepo
ikubapokaga abāndu ku mbībi.

Alipo u Peteri na Pauli, na Yohani unnyakyala,
Abēne bāpēle imyūmi gyābo ukuti i
Nongwainunu iyi yabagile ukumulika;
Abēne bafulugénie ililopa lyābo, bo basololi
baiyolo,
Ukuti i Lisyu lya Kyāla ilyabwanaloli lyābagile
nubwanaloli ukuyobigwa.

Gilipo imyoyo pāsi pakigemo, gikukúta,
“Mpaka ndili?”

Ukuti u Ntwa afūnde bala aba babōmbīle
ubusóbi; (Pilikisya!)

Lōli kwisakuyangako abingipo aba bisakupa
ililopa lya būmi lyābo

Panongwa ya Nongwainunu iyi iya Mbepo
Mwikemo nu mwelesyo gwāke unkesefu.

Iyene yikusulula ni lilopa, ena, iyene
yikusulula ni lilopa,
Inongwainunu ya Mbepo Mwikemo iyi
yikusulula . . . lilopa,

Iilopa Iya bafundigwa aba bāfwilīle u
 Bwanaloli,
 Inongwainunu ya Mbepo Mwikemo iyi
 yikusulula ni lilopa.

226 Itolo i Lisimbo bo tukāli uswe ukubūka:

*...kangi abēne balinkuyoba kwa Peteri na...abangi
 ba bēne, Banyāmbála na bakundwe, ngimba uswe
 twisakuboga fiki ukuti tupokígwe?*

*...Peteri alinkuyoba ku bēne, Pinduka, aligwesa
 gwa umwe kangi yaga bōsigwe mu Ngamu ya Yeso
 Kristi kubufyule bwa mbibi syinu, kangi umwe mwisa
 kwambililaga ikyabupi kya Mbepo Mwikemo.*

*Kabuno ulufingo luli kwa umwe, kangi ku bāna bīnu,
 kangi ku bala aba bali kubutali kula, nababingi mūmo
 Ntwa Kyāla gwītu isakukōlelāga.*

227 U Ntwa asaye lilino. Akabalilo kāko uswe tukusōkāpo pa
 njila, umwe mubagīle ukuketelēla u lōsyo bo uswe...?...

60-0522M Bufwĩkigwe #3
Kitembe Kya Branham
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusanania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusanania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org